

## Мѣсяца сентября

Въ 1 день начало <sup>1</sup> индикту, сіи рѣчь новому лѣту, и преподобнаго отца нашего Симеона <sup>2</sup> Столпника, и соборъ пресвятыхъ Богородицы, иже въ Міасинѣхъ, и прочихъ святыхъ. Благовѣсть къ вечерни въ началѣ 9-го часа дни въ болшой колоколь, а трезвонъ во вся. Вечерню и утреню начинаютъ и отпущаютъ пощъ со діякономъ недѣльные, а поютъ вечерню по уставу, а на вечерни святитель облачается къ молебну, а на облаченіи сакъ болшіе круги. И поютъ на молебнѣ каноны за всяко прошеніе да собору пресвятѣй Богородицы (об. 1) канонъ по Охтаю, что въ недѣлю на утрени, настоящаго гласу Богородицы. Послѣ отпуста молебна навечерню поютъ по обычаю. Къ заутрени благовѣстятъ въ болшой колоколь за 4 часа дни, и послѣ утрени <sup>3</sup> въ началѣ 1-го часа дни благовѣсть <sup>4</sup> на соборъ въ болшой колоколь и въ средней и въ меньшей, перемѣняяся, якоже въ воскресной день звонъ къ молебномъ бываетъ. И въ то время звонцы строятъ святителю мѣсто противъ церкви Похвалы Богородицы, а ключари надъ звонцы назираютъ прилежно того. И въ полъ 3-я часа дни звонятъ во вся довольно, а въ то время ключари полагаютъ на гробы покровы праздниціе болшіе, а власти съѣзжаются ко святителю въ звонъ въ крестовую келью. И <sup>5</sup> подіаки съ облаченіемъ и съ лампадою и со свѣщами приходятъ въ то жъ время въ выходную полату и облачаются по обычаю въ полатѣ и, облачася, приходятъ передъ крестовую келью съ лампадою (л. 2) и со свѣщами. Таже святитель со властью глаголетъ: Достойно есть и отпустъ и прощеніе и по прощеніи идетъ въ церковь, а подіаки провожаютъ святителя по обычаю въ церковь съ пѣніемъ, а поютъ идучи стихъ новому лѣту: Иже неизреченною мудростію. И егда же святитель придетъ со властью въ церковь, тогда *подіаки* поютъ входъ пресвященному, имя рекъ, с мсполайти. И святи-

---

<sup>1</sup> начатокъ.—<sup>2</sup> Симіона.—<sup>3</sup> заутрени.—<sup>4</sup> благовѣстятъ.—<sup>5</sup> А.

тель, ставъ на обычномъ мѣстѣ, творитъ приходные поклоны по обычаю, и по поклонехъ на оба лика осѣнить народъ, и по осѣненіи сходить съ мѣста своего, и знаменуется у святыхъ иконъ и въ олтарѣ у престола, и у жертвенника творитъ прощеніе, и по обычаю исходитъ изъ олтаря, и цѣлуетъ святая иконы на лѣвой странѣ, и по цѣлованіи иконъ облачается во всю святительскую одежду по чину среди церкви, а на облаченіи сакъ саженой з глаголи. И на облаченіи подіаки поють стихъ дню (об. 2). И потомъ святитель глаголетъ входъ и архіерейскіе молитвы, а подіаки на мѣрѣ, перемѣняя станицы, поють стихи дню. А власти также облачаются въ олтарѣ во вся священныя <sup>1</sup> одежда и глаголютъ входъ и архіерейскія молитвы каждо самъ себѣ. И въ то время ключари устрояютъ мѣсто, на немже лѣто начинать, и поставляютъ наложи подъ иконы и подъ евангелія и передъ наложи подсвѣчники со свѣщами поставляютъ и столъ оболченъ, а на немъ чашу и въ кумганѣхъ готовятъ воду ко освященію, а подіакъ полагаетъ въ то жъ время орлецы въ олтарѣ отъ царскихъ дверей до престола. И, по совершеніи отъ святителя архіерейскихъ молитвъ, благословляются ключари у святителя кресты поднимать и, по благословеніи святителя, ключари повелѣваютъ градскимъ попомъ поднимати рипиды, крестъ выносной и образы: Софїи и Знаменія и Пречистые Владимерскіе и Тихфинскіе и наложные (л. 3) полотенца. И стануть съ тѣми всѣми иконы выносными попы по обычаю и діаконы съ рипидами противъ царского и митрополича мѣста, на правой странѣ отъ амбона. И святитель по архіерейскихъ молитвахъ входитъ во святыи олтарь, предходящу предъ нимъ подіаку съ лампадою и по немъ другому подіаку съ посохомъ. И, пришедъ, стануть оба подіаки по странамъ царскихъ дверей, а святитель, вшедъ во олтарь, творитъ 3 поклоны предъ святымъ престоломъ и цѣлуетъ святыи престоль. И, по цѣлованіи престола, протодіаконъ подноситъ ко святителю кадило. И святитель, пріемъ кадило отъ протодіакона и назнаменаъ на обѣ странѣ <sup>2</sup> кадиломъ, кадитъ окрестъ престола и весь олтарь, и царскіе двери, и на оба лика властей, и въ церкви народъ, якоже и на обѣдни по входѣ бываетъ каженіе. А въ каженіе подіаки поють исполайти <sup>3</sup> тройную передъ царскими дверми неспѣшно. А какъ святитель (об. 3) обкадитъ весь олтарь и царскіе двери и на оба лика и на церковь, а подіаки пропоють исполайти, таже протодіаконъ, вышедъ изъ олтаря предъ царскіе двери и ставъ на ступени, сотворитъ на востокъ 3 поклоны и начинаетъ велегласно: Благослови владыко. Святитель же предъ

<sup>1</sup> освященныя.—<sup>2</sup> страны.—<sup>3</sup> деснота.

престоломъ глаголетъ вслухъ: Благословено царство Отца и Сына и святаго Духа нынѣ и присно и во вѣки вѣкомъ. И по семь пѣвцы: Аминь. Протодіаконъ глаголетъ ектенію вслухъ: Миромъ Господу помолимся, а пѣвцы, ихже чреда, поютъ: Господи помилуй 12 литургійную, а святителю же тогда глаголющу себѣ тое же ектенію тай, предъ престоломъ стоящу. И, по совершеніи ектеніи, святитель глаголетъ возгласъ: Яко подобаетъ Ти всяка слава, честь и поклоняніе Отцу и Сыну и святому Духу нынѣ и присно и во вѣки вѣкомъ. И по возгласѣ протодіаконъ глаголетъ: Господу помолимся вслухъ; пѣвцы: Господи помилуй. Таже святитель молится (л. 4) молитвою сею вслухъ:

Господи Боже нашъ, помяни насъ грѣшныхъ и недостойныхъ рабъ твоихъ, внигда призывать намъ святое и поклоняемое имя твое, и да не посрамиши насъ отъчаянія милости твоея; но даруй намъ Господи вся, яже ко спасенію прошенія, сподоби насъ любити и бояться Тебе всѣмъ сердцемъ нашимъ и творити во всемъ волю твою. Возгласъ: Яко благъ и человеколюбецъ Богъ еси и Тебѣ славу возсылаемъ Отцу и Сыну и святому Духу нынѣ и присно и во вѣки вѣкомъ. И по возгласѣ пѣвцы: Аминь. И по семь глаголетъ святитель: Миръ всѣмъ. Протодіаконъ: Главы ваша Господеви преклоните <sup>1</sup>. Пѣвцы: и духови твоему. Тебѣ, Господи. Протодіаконъ глаголетъ: Господу помолимся втай; священницы же <sup>2</sup>, стоя около престола на оба лика, глаголють излегка: Господи помилуй. Таже святитель глаголетъ молитву сію втай:

Господи святой, иже въ вышнихъ живый и (об. 4) вседѣтельнымъ си окомъ призирая на всю тварь, Тебѣ преклонихомъ <sup>3</sup> выя сердца и тѣла и молимтися: простри руку свою отъ святаго жилища твоего и благослови всѣхъ насъ и, еже согрѣшихомъ волею или неволею, яко благъ и человеколюбецъ Богъ прости, даруя намъ и еже въ мірѣ благихъ твоихъ. Возгласъ: Твое бо есть еже миловати и спасати, Боже нашъ, и Тебѣ славу возсылаемъ Отцу и Сыну и святому Духу нынѣ и присно и во вѣки вѣкомъ. И потомъ: Аминь. Пѣвцы поютъ тропарь: Иже всея твари содѣтелю, иже времена и лѣта своею областію положивъ, благослови вѣнецъ лѣту благости твоея Господи, соблюдая въ мирѣ царя и градъ свой Богородица ради, едине человеколюбче. Таже благословляются ключари у святителя кресты отпускають и отпускають кресты по обычаю въ западные двери. И святитель, возьмъ евангеліе съ престола, отдасть на правую страну ризничему, а другое евангеліе отдасть на лѣвую (л. 5) страну діакону. Таже первіе за Владимирской Пречистой идутъ пѣвцы, а по нихъ два діакона

<sup>1</sup> приклоните.—<sup>2</sup> и священницы жь.—<sup>3</sup> приклонихомъ.

идуть съ кандилы, да съ ними же въ рядъ идетъ третьей діаконъ въ срединѣ, а несетъ крестъ благословящей на блюдѣ, а по нихъ идутъ подіаки съ лампадою и со свѣщами. Таже святитель идетъ изъ олтаря, не поддерживимъ никимже, и у царскихъ дверей святитель пріемлетъ посохъ. И по странамъ—съ правые страны святителя идетъ ризничей со евангеліемъ, а съ лѣвые руки идетъ діаконъ з другимъ евангеліемъ, а въ то время ключари повелятъ звонити во вся. И пришедъ святитель за амбонъ, станетъ средѣ <sup>1</sup> церкви на орлецы, не всходя на мѣсто, къ востоку лицомъ, евангелія имѣя по странамъ. Таже протодіаконъ сотворъ ко святымъ иконамъ 3 поклоненія и ко святителю и начинаетъ велегласно: Благослови владыко. Святитель: Благословена слава Господня отъ мѣста святаго Его всегда и нынѣ и присно и во (об. 5) вѣки вѣкомъ; священницы же: Аминь. И впредъ идутъ, глаголюще тропари сія вслухъ неспѣшно: Помилуй насъ Господи, помилуй насъ; всякаго отвѣта недоумѣюще, сію Ти молитву яко владыцѣ грѣшніи раби твои приносимъ: помилуй насъ Господи, помилуй насъ. Слава: Господи помилуй насъ, на Тя бо уповахомъ, не прогнѣвайся на ны зѣло, ниже помани беззаконій нашихъ, но призри на ны яко милосердъ и избави насъ отъ врагъ нашихъ, Ты бо еси Богъ нашъ, и мы людіе твои, вси дѣла руку твою, и имя твое призываемъ. И нынѣ: Милосердія двери отверзи намъ благословеная Богородице Дѣво, надѣющеися на Тя не погибнемъ, но да избавимся Тобою отъ бѣдъ, Ты бо еси спасеніе роду христіаньскому.

Егда же начнутъ идучи глаголати, тогда святитель, пріемъ посохъ, идетъ по преже писанному указу со евангеліи къ западнымъ церковнымъ дверемъ, никимже поддерживимъ. На дворѣ же предъ церковными (л. 6) западными дверми ключари уставляютъ кресты и святые иконы по обычаю, а велятъ престать звонити. Святитель же, пришедъ, станетъ предъ церковными дверми къ востоку лицомъ, а со евангеліи ризничей и діаконъ ставъ нареди <sup>2</sup> и сотворятъ вкупѣ ко святителю поклоненіе и, отшедъ, станутъ въ рядъ со кресты, а власти и священницы ставятся по ликомъ постепенно. Святитель же тогда сотворитъ поклоненія 3 ко святымъ иконамъ и осѣнитъ съ поклоненіемъ на оба лика властей. Таже протодіаконъ, пріемъ кадило и съ кадиломъ отъ святителя благословеніе, ставъ <sup>3</sup> на средѣ предъ иконы и евангеліи, глаголетъ ектенію: Помилуй насъ Боже по велицѣй милости твоей, молимтися, Господи услыши и помилуй насъ, рцемъ вси. Таже пѣвцы 1-й ликъ, ихже чреда, поютъ: Господи помилуй 100. По семь протодіаконъ же глаголетъ: Еще молимся Гос-

<sup>1</sup> среди.—<sup>2</sup> наредѣ.—<sup>3</sup> и ставъ.

поду Богу нашему помиловати государя (об. 6) нашего, благовѣрнаго и христоролюбиваго царя и великаго князя, имя рекъ, и его благовѣрную и христоролюбивую царицу и великую княгиню, имя рекъ; умножи Господи лѣтъ живота ихъ, и послѣ имъ Господи благородные чада въ наслѣдіе рода ихъ, и избави ихъ Господи отъ всякія скорби, гнѣва<sup>1</sup> и нужда и отъ всякія болѣзни душевныя и тѣлесныя, и прости имъ Господи всякое согрѣшеніе волнос и неволное, рцемъ вси. По семь второй ликъ пѣвцы поють: Господи помилуй 100. Еще молимся Господу Богу нашему и паки услышати Ему гласъ молитвы нашея и милостиву и долготерпѣливу и умилену быти и тиху челоувѣколюбцу Богу о грѣсѣхъ нашихъ и помиловати насъ и отвратити Ему гнѣвъ свой праведный отъ насъ; о избавити насъ отъ належащаго и праведнаго Его прещенія; за избавленіе града сего и всякаго града и страны и мѣста отъ глада и губительства, труса и потопа, огня и меча и нашествія (л. 7) иноплеменикъ и отъ нападенія вражія и междоусобныя рати, избавити ны Господу Богу отъ належащихъ бѣдъ сихъ и дати рабомъ своимъ тихо и мирно лѣто, и утѣши Господи скорбящая люди своя, вопіемъ Ти вси, со слезами рекуще: Господи святыи услыши и помилуй насъ, рцемъ вси. Потомъ пѣвцы, паки 1-й ликъ, поють: Господи помилуй 100. Еще молимся за всю братію и за вся христіане о здравіи и о спасеніи. И по ектеніяхъ всѣхъ протодіаконъ покадитъ святителя. И по каженіи святитель глаголетъ возгласъ: Услыши ны Боже Спасителю нашъ, упованіе всѣмъ концемъ земли и сущимъ въ мори далече; милостиве милостивъ буди о грѣсѣхъ нашихъ и помилуй насъ, милостивъ бо и челоувѣколюбець Богъ еси и Тебѣ славу возсылаемъ Отцу и Сыну и святому Духу нынѣ и присно и во вѣки вѣкомъ. И по возгласѣ протодіаконъ глаголетъ: Господу помолимся (об. 7). Пѣвцы: Господи помилуй. И діаконъ сойметъ со святителя шапку; святитель же молится молитвою сею:

Богъ и Отець Господа нашего Іисуса Христа, сый благословенъ во вѣки, пославый единороднаго Ти Сына въ міръ, яко да заблудшее паки обратитъ и падшее воставитъ и умершее оживитъ, пріими насъ недостойныхъ рабъ твоихъ съ вѣрными людьми празднующихъ Ти духовнѣ, еже во псалмѣхъ и пѣснехъ славословіе Тебѣ приносящихъ о бывшей и спасителнѣй благодати и благоволенію роду челоувѣчю. Благовѣрнаго же царя нашего, иже оправдалъ еси на земли Боже оружіемъ истиннымъ, оружіемъ благоволенія вѣнчая его, возвыси его десницу, покрый его покровомъ криль твоихъ, покорн ему вся варварскія

<sup>1</sup> и гнѣва.

языки, бранемъ хотящая, даруй намъ и тѣмъ вся, яже ко спасенію прошенія и живъ въчпую. Благорастворены и полезны воздухи намъ даруй, дожда мирны (л. 8) земли къ плодоносію подаждь. Благослови вѣнецъ лѣту благостію твоею. Шатанія языческа, яже на ны востающая, вскорѣ утоли. Всѣхъ насъ приими во свое царство молитвами пречистыя владычицы напсѣя Богородицы и приснодѣвы Маріи и всѣхъ святыхъ твоихъ. Возгласъ: Яко Богъ милости и щедротъ и челоуѣколюбія еси и Тебѣ славу возсылаемъ Отцу и Сыну и святому Духу нынѣ и присно и во вѣки вѣкомъ. Таже пѣвцы: Аминь, и по Аминѣ полагають на святителя шапку, и по семъ ключари велятъ звонить, и благословляются у святителя кресты отпущать ко уреченному мѣсту, и отпущають по чину. И святитель, приѣмъ посохъ, идетъ на уреченное мѣсто, никимже поддержимъ, а ризничей и діаконъ со евангеліи идутъ со святителемъ по прежнему указу. Тогда поють идучи пѣвцы неслѣшно новому лѣту, ихже чреда, стихиры самогласны, гласъ 1: Самославная (об. 8) и божественная ученія Христова и прочая стихиры допѣвають, ставъ по ликомъ, на уреченномъ мѣстѣ. И пришедъ святитель на уреченное мѣсто, и станетъ на своемъ мѣстѣ по чину, а ризничей и діаконъ, ставъ на средѣ со евангеліи, сотворять вкушѣ ко святителю поклоненіе и, отшедъ, полагають евангеліе <sup>1</sup> на налогахъ. Ключари же велятъ престати звонить и уставляютъ кресты и святыя иконы по обычаю, а власти и священницы ставятся по ликомъ постепенно. Святитель же тогда, сотворъ поклоненія 3 ко святымъ иконамъ, и осѣнитъ на обѣ страны съ поклоненіемъ и потомъ благословляетъ боярина и воеводъ и діаконъ. И по семъ власти и ереи, спедъ съ ликовъ койждо по единому на среду, и поклоняются святителю два два по чину и паки стануть кійждо на своихъ мѣстехъ. Таже протодіаконъ приноситъ ко святителю кадило; святитель же (л. 9) приѣмлетъ кадило и, назнаменавъ на обѣ страны кадиломъ лики и спедъ съ мѣста своего, кадитъ на налогахъ евангелія и святыя иконы и кресты, предходящимъ ему подіакомъ съ лампадою и со свѣщами, а по нихъ протодіаконъ со свѣщею. И на правой странѣ святитель кадитъ святыя иконы и рипиды, таже боярина и воеводъ и діаконъ и властей и ереовъ и пѣвцовъ и правыя страны народъ; потомъ лѣвыя страны кадитъ святыя иконы и рипиды и властей и священницъ и пѣвцовъ и народъ. И паки по семъ покадитъ крестъ и на налогахъ святыя иконы и евангелія и подіаковъ и съ лампадою и со свѣщами и съ ладанницею и за мѣстомъ подіаковъ. И, ставъ паки на мѣстѣ своемъ, пока-

---

<sup>1</sup> евангелія.

дѣтъ на обѣ страны властей и потомъ дѣяконовъ и протодѣякона <sup>1</sup> и отдастъ кадило протодѣякону. И сотворь поклоненія 3 (об. 9) ко святымъ иконамъ и осѣнитъ на обѣ страны рукою. Таже протодѣякопъ покадитъ святителя и потомъ Юрьевского дѣякона и отдастъ свѣчю и кадило дѣякону. И дѣякопъ, пріемъ кадило, покадитъ протодѣякона; и протодѣякопъ, отшедъ, станетъ посторонъ святительскаго мѣста. И дѣякопъ подноситъ архимариту кадило, а Хутыньской дѣякопъ емлетъ другое кадило и свѣчю у ключарей и подноситъ таже архимариту кадило. И архимариты пріемлютъ отъ дѣяконовъ кадила и, зашедъ противъ святителя, творять ко святителю съ кадиломъ поклоненія, а дѣяконы со свѣчами таже творять ко святителю поклоненія вмѣстѣ со архимариты. И <sup>2</sup> кадятъ архимариты вкупѣ спреди на налогахъ евангелія и святыя иконы, и каждо свою страну святыя иконы кадитъ и рипиды, и потомъ вкупѣ кадятъ святителя, таже (л. 10) боярина, потомъ и властей и священницъ и пѣвцовъ, койждо свой ликъ кадитъ. И потомъ паки вкупѣ кадятъ на налогахъ святыя иконы, таже и святителя и по семь другъ друга кадятъ архимариты, и стануть каждо на своемъ мѣстѣ, и кадятъ каждо своего дѣякона, и отдаютъ кадила своимъ дѣякономъ, и творять *ко святымъ* иконамъ поклоненія по 3 и, зашедъ на среду, святителю творять прощеніе по обычаю съ поклоненіемъ, и стануть койждо на своихъ мѣстехъ. Таже койждо дѣякони покадятъ свою власть и потомъ покадятъ прочихъ дѣяконовъ властелинскихъ и отдаютъ имъ кадила и свѣщи. Таже и дѣякони, пріемъ кадила, покадятъ ихъ таже и подносятъ къ своимъ властямъ кадила, а власти творять каженіе по тому же чину, якоже и прочіи. И, перемѣняяся, кадятъ власти и священницы, дондеже стихиры и антифоны (об. 10) совершатся. А стихиры новому лѣту самогласны пѣвцы поютъ, первый ликъ, ихже чреда:

Гласъ 1. Самославная и божественая ученія Христова молитвѣ навѣще, на всякъ день возопіемъ зиждителю: Отче нашъ, иже на небесѣхъ живый, небесный хлѣбъ подавай намъ, презирая наша согрѣшенія.

Иже на Синаистѣй горѣ скрыжали написавъ древле, той же нынѣ во градѣ Назаретѣ по плоти книгу пріять пророчески почести, Христе Боже, сію согнувъ, учаше люди исполнитися писанію на Тебѣ.

Якоже еврейская гѣлеса въ пустыни древле непокорившимся во истину Тебѣ всѣхъ владыцѣ достойно падоша, тако и нынѣ кости рассыпли злочестивыхъ и невѣрныхъ агарянъ псаломски прі аде <sup>3</sup> Христе.

<sup>1</sup> протодѣяконовъ.—<sup>2</sup> А.—<sup>3</sup> при адѣ.

Гласъ 6. Иже Духомъ святымъ совокупляемъ, безначалне Слово и Сыне, всѣмъ видимымъ и (не) видимымъ содѣтелю и зиждителю, (л. 11) вѣнецъ лѣту благослови, сохраняя въ мирѣ православныхъ множества молитвами святыя Богородица и всѣхъ святыхъ твоихъ.

Гласъ 5. Ты царю сый, пребываяй во вѣки безконечныя, пріими моленія просящихъ грѣшныхъ спасеніе и подаждь человѣколюбче земли твоей благолѣтіе, благорастворены воздухи даруй и благовѣрному царю нашему способствуй на безбожныя агаряны, якоже иногда Давиду, яко придоша сіи во обители твоя и все святое мѣсто оскверниша; но Ты даруй побѣды Христе Боже, побѣда бо Ты православнымъ и похвала.

Потомъ подіакъ сказываетъ, ставъ на обычномъ мѣстѣ на средѣ, 1-й антифонъ, и пѣвцемъ же поющимъ стихи съ припѣломъ: Аллилуйя, псаломъ 73: Вскую Боже отрину до конца, разгнѣвася ярость твоя на овца паствы твоея... (об. 11—об. 12) гордыни ненавидящихъ Ты взыде выну. Слава и нынѣ, Аллилуйя 3-жды съ припѣлы. По семъ діаконъ глаголетъ ектенію: Паки и паки миромъ Господу помолимся. И по ектеніи святитель глаголетъ возгласъ: Яко подобаеть Ти всяка слава, честь и покланяніе Отцу и Сыну и святому Духу нынѣ и присно и во вѣки вѣкомъ.

И по возгласѣ пѣвцы поютъ второй антифонъ, псаломъ Давидовъ 1: Блаженъ мужъ, иже не иде на совѣтъ нечестивыхъ. Припѣлъ: Заступи ны Господи, заступи ны. И въ законѣ Его поучится день и нощь. Заступи ны Господи. И будетъ, яко древо саждено при исходящихъ водъ. Заступи ны Господи. Иже плодъ свой дастъ во время свое. Заступи ны Господи. Яко свѣсть Господь путь праведныхъ (л. 13). Заступи ны Господи. И путь нечестивыхъ погибнетъ. Заступи ны Господи. Слава: Заступи ны Господи. И нынѣ: Заступи ны Господи. Аллилуйя 3-жды. Заступи ны Господи. И потомъ Юрьевской діаконъ глаголетъ ектенію и архимаритъ возгласъ: Яко твоя держава и твое есть царство и сила и слава Отца и Сына и святаго Духа нынѣ и присно и во вѣки вѣкомъ.

И по возгласѣ пѣвцы поютъ третьей антифонъ, псаломъ 2: Вскую шаташася языцы и людіе поучишася тщетнымъ. Припѣлъ: Молитвами Богородица Спасе спаси насъ. Азъ же поставлешъ есмь царь отъ Него надъ Сіономъ гору святую Его. Молитвами *Богородица*. Господь рече ко мнѣ: Сынъ мой еси ты, азъ днесъ родихъ тя. Молитвами *Богородица*. Работайте Господеви со страхомъ и радуйтеся ему съ трепетомъ. Молитвами *Богородица*. Блажени вси надѣющеися наъ. Молитвами *Богородица*. Слава: Молитвами Богородица *Спасе* (об. 13).



И нынѣ: Молитвами *Богородица*. Аллилуйя 3-жды и припѣлы: Молитвами *Богородица Спасе спаси насъ*. Посемъ Хутыньской дѣяконъ глаголетъ ектенію и архимаритъ возгласъ: Яко благословися и прославися имя твое Отца и Сына и святаго Духа нынѣ и присно и во вѣки вѣкомъ.

И по возгласѣ пѣвцы начинаютъ пѣти 4-й антифонъ и припѣлы, псаломъ Давидовъ 64: Тебѣ подобаетъ пѣснь Боже въ Сіонѣ. Припѣлы: Прибѣжище и сила наша Богородице. И тебѣ воздастся молитва во Іерусалимѣ. Прибѣжище и сила наша Богородице. Свята церкви твоя дивна вправду. Прибѣжище и сила наша Богородице. Упованіе всѣмъ концемъ земля. Прибѣжище и сила наша Богородице. Благословиши вѣнецъ лѣту благости твоя Господи. Прибѣжище и сила наша *Богородице*. Воззовутъ, ибо воспоютъ. Прибѣжище и сила наша *Богородице*. Слава (л. 14) и нынѣ. Тропарь на правой клиросъ, егोजь чреда, глаголетъ кононархъ, гласъ 4: Иже воистинну и поистиннѣ Богородице, молящаяся яко мати со дерзновеніемъ Сыну и Богу нашему, соблюди градъ изряднѣ, покрову твоему притекающіи, о тебѣ державу имуще и къ тебѣ притекающе, пристанищу и стѣнѣ, единой предстательницѣ роду человѣческому. И <sup>1</sup> пѣвцы поютъ конецъ тропаря того.

Таже іерей подноситъ ко святителю крестъ на блюдѣ. И святитель, пріемъ крестъ, а протодѣяконъ кадило, и глаголетъ святитель велегласно ектенію со крестомъ: Помилуй насъ Боже по величѣй милости твоей, молимтися, Господи услыши и помилуй насъ, рцемъ вси. И въ ектенію святитель осѣняетъ крестомъ, а протодѣяконъ кадитъ противо <sup>2</sup> креста; пѣвцы жъ поютъ по ликомъ: Господи помилуй осѣняющую. Таже святитель обращъся къ (об. 14) полуденной странѣ <sup>3</sup> и глаголетъ: О вселенскомъ устроеніи и о благостояніи святыхъ Божіихъ церквей и всѣхъ совокупленіи рцемъ вси. И въ ектенію святитель осѣняетъ крестомъ, пѣвцы жъ поютъ: Господи помилуй. И пакы святитель обратится къ западной странѣ и глаголетъ: О благовѣрномъ <sup>4</sup> и богохранимомъ царѣ и великомъ князѣ, имярекъ, о державѣ и побѣдѣ, пребыванія мира, здравія и спасенія и оставленія грѣховъ его, и о еже Господу Богу нашему наипаче поспѣшити и направити его во всемъ и покорити подъ нозѣ его всякаго врага и сопостата, рцемъ вси. И въ ектенію осѣняетъ, пѣвцы поютъ: Господи помилуй. По семъ святитель обратится къ полуночной странѣ и глаголетъ: О избавленіи душъ нашихъ, и о еже сокрушится сатанѣ вскорѣ подъ но-

<sup>1</sup> А.—<sup>2</sup> противъ.—<sup>3</sup> страны.—<sup>4</sup> и христілюбивомъ

гами нашими, и о еже непоколеблему и неопалну (л. 15), небезпокровну сохранену быти граду нашему и всякому граду и странамъ христіаньскимъ рцемъ вси. И въ ектенію святитель осѣняетъ, а протодіаконъ на всѣхъ осѣненіяхъ кадитъ крестъ; пѣвцы поютъ: Господи помилуй.

Таже чтець чтець паремьи новому лѣту. Внегда якъ паремьямъ симъ чтомымъ, тогда святителю сѣдящу на мѣстѣ своемъ, а архимаритомъ же и игруменомъ и священникомъ стоящимъ по обычаю; тогда ключари приѣмлютъ отъ святителя съ водою благословеніе и вливають въ чашу воду. И приходитъ ко святителю поскорю протопопъ со діаконѣмъ, и вземлютъ благословеніе творити освященіе водѣ, и августовымъ священіемъ дѣйствуютъ надъ водою вся, даже до погруженія честнаго креста. И святитель приходитъ ради погруженія честнаго креста послѣ евангелія, внегда глаголетъ протодіаконъ ектенію: Помилуй насъ Боже. И, пришедъ тогда, (об. 15) святитель творитъ погруженіе кресту и съ сущими съ нимъ. И протодіаконъ внимаєтъ паремьямъ, глаголетъ: Премудрость. Чтець, ставъ на среду, зря къ востоку лицемъ, глаголетъ: Отъ пророчества Исаина чтеніе. Протодіаконъ: Вонмемъ. Чтець глаголетъ паремью: Духъ Господень на мнѣ, Егоже ради помаза мя, благовѣстити нищимъ посла мя ..... яко сіи суть сѣмя благословеное отъ Бога и веселіемъ возвеселятся о Господѣ (LXI, 1—9). Отъ пророчества Исаина чтеніе: Обратися Господи отъ небесъ и виждь отъ дому святаго своего и славы, гдѣ есть множество милости твоея и щедротъ твоихъ ...И нынѣ призри Господи, яко людіе твои вси мы (LXIII, 15—LXIV, 9). Отъ Втораго Закона чтеніе: Глагола Господь сыновомъ Израилевомъ, глаголя: аще въ повелѣніихъ моихъ ходите и заповѣди моя сохраните... и азъ пойду къ вамъ въ ярости страною, глаголетъ Господь Богъ святой Израилевъ (Левит. XXVI, 3—24).

По семъ протодіаконъ внимаєтъ прокимну, и чтець сказываєтъ прокимень: Велій Господь нашъ и велія крѣпость Его и разуму Его вѣсть числа. Стихъ: Хвалите Господа, яко благъ, псаломъ Божови нашему. Протодіаконъ: Премудрость. Чтець надписаніе Апостолу. Протодіаконъ: Вонмемъ. И чтець чтець Апостоль. Таже протодіаконъ приѣмъ <sup>1</sup> отъ святителя съ кадилѣмъ благословеніе и кадитъ на налогахъ евангелія и выносныя иконы и святителя и властей по чину. (об. 18) Къ Тимоѣею посланіе *святаго апостола Павла*: Чадо Тимоѣе, молю убо прежде всѣхъ творити молитвы... Истинну гла-

<sup>1</sup> приѣмлетъ.

голю о Христѣ, не лжу, учитель языкомъ въ вѣрѣ и истиннѣ (1 Тимоѡ. II, 1—7). Потомъ протодіаконъ внимаєтъ; чтець сказываетъ: Аллилуйя со стихи. Стихъ: Тебѣ подобаетъ пѣснь Боже. Стихъ: Благословиши вѣнецъ. Стихъ: Зияѣда Іерусалима *Господь*. По семъ приємлетъ (л. 19) съ налога евангеліе протодіаконъ свое, по которому чести, и ризничей святительское и два діакона свѣчи двѣ болшихъ и два подіаки благословящіе свѣчи и, пришедъ предъ святителя, вкупѣ сотворятъ поклоненіе. И въ то время пономарь <sup>1</sup> приготовитъ налогъ протодіакону подъ евангеліе противо святителя, мало отъ иконъ. И по поклоненіи <sup>2</sup> ризничей подноситъ евангеліе ко святителю и два діакона со свѣчами, а протодіаконъ идетъ со евангеліемъ къ налогу, гдѣ чести уготовано, и два подіаки со свѣчами свѣтятъ у налога. Святитель же возглашаетъ: Премудрость! прости услышимъ святаго евангелія. Протодіаконъ же, пришедъ къ налогу, станетъ ко святителю лицомъ и глаголетъ тоже: Премудрость! прости. Таже святитель: Отъ Луки святаго евангелія чтеніе. Протодіаконъ то же <sup>3</sup> глаголетъ. Пѣвцы: Слава Тебѣ Господи. По семъ святитель глаголетъ: Вонмемъ. Протодіаконъ то же: Вонмемъ (об. 19). И святитель чтетъ евангеліе и егда возгласитъ святитель на коей строки, протодіаконъ по возгласѣ святителя чтетъ то же евангеліе и возглашаетъ на тѣхъ же строкахъ, гдѣ святитель возглашаетъ, свѣтлѣйшимъ гласомъ. Евангеліе новому лѣту отъ Луки зачало 13: Во время оно прииде Іисусъ въ Назаретъ, идѣже бѣ воспитанъ... И дивляхуся о словесѣхъ благодати, исходящихъ изо устъ Его (IV, 16—22).

И егда святитель возгласитъ послѣднюю строку евангелія, и подіаки, ставъ на средѣ противо святителя, поють: исполайти деспота. А святитель знаменався у евангелія и цѣлуєтъ, а ризничей, приємъ отъ святителя благословеніе, отходитъ со евангеліемъ и со свѣчами діакони на среду съ нимже и ожидаютъ отъ протодіакона скончанію евангелія. И какъ подіаки пропоють: исполайти, таже протодіаконъ дочтетъ конецъ евангелія. И, по совершеніи евангелія отъ протодіакона, пѣвцы поють: Слава Тебѣ Господи. И протодіаконъ со евангеліемъ и подіаки со свѣчами пришедъ на среду и стануть въ рядъ съ ризничимъ и з діаконъ <sup>4</sup>. И творитъ протодіаконъ ко святителю поклоненіе и подноситъ евангеліе, и святитель (об. 20) цѣлуєтъ святое евангеліе и благословляетъ протодіакона рукою. Протодіаконъ же паки отходитъ на среду къ ризничему и творятъ вси вкупѣ поклоненіе святителю и отходятъ и полагають евангелія паки на налогахъ, а въ то

<sup>1</sup> пономарь.—<sup>2</sup> поклонѣ.—<sup>3</sup> то жь.—<sup>4</sup> з діакономъ.

время пономарь пакы поставляетъ палогъ на прежнее мѣсто. И протодіаконъ пріемъ отъ святителя съ кадиломъ благословеніе и глаголетъ ектенію великую: Помилуй насъ Боже по величій милости твоей и прочее и кадитъ по чину. Въ то же время приходятъ подіаки ко святителю съ рукомоемъ, и <sup>1</sup> святитель сѣдя умыетъ <sup>2</sup> поскуру руки, и власти подносятъ святителю полотепцо *на руки*. По умовеніи же рукъ святитель, спедъ съ мѣста своего, и идетъ къ чаши и погружаетъ честный крестъ и глаголетъ съ прочими священники тропарь: Спаси Господи люди своя 3-жды. И, по погруженіи креста, святою водою отираетъ (л. 21) святыя иконы губою, а протопопъ з діакономъ вершатъ дѣйство освященію водѣ. Святитель же, совершивъ яже о водѣ, станеть на своемъ мѣстѣ пакы и, по скончаніи ектеніи отъ протодіакона, святитель глаголетъ возгласъ: Яко милостивъ и челоуѣколюбець Богъ еси и Тебѣ славу возсылаемъ Отцу и Сыну и святому Духу *нынѣ и припо и во вѣки вѣкомъ*. Таже протодіаконъ вслухъ глаголетъ: Господу помолимся. Пѣвцы: Господи помилуй. Таже діаконъ съметъ со святителя шапку; святитель же, стоя на своемъ мѣстѣ, молится велегласно молитвою сею.

Молитва святѣйшаго Филоея, патріарха Царяграда: Владыко Господи Боже нашъ, иже живымъ ипостаснымъ Ти Словомъ и соестественнымъ и животворнымъ и единочестнымъ Ти Духомъ умную Ти и видимую тварь неизреченною существа силою отъ небытія во еже быти глаголомъ (об. 21) единемъ приведъ, солнце убо въ начатоеъ дневи, луну же положи въ начатокъ ноци и во благоуукрашеніи великихъ сихъ свѣтилъ чина и преиманія, числа и правила равенству днемъ и ношемъ давъ; иже времена повелѣвая и считая лѣтомъ обхожденія <sup>3</sup> и еже другъ ко другу тѣхъ соступанія и растворенія великихъ стихій ради мнѣющагося смѣшеніемъ добрымъ, благоуукрашеніемъ и равенствомъ міру своему даровавъ къ служенію животу еже по образу своему созданному и почтенному челоуѣку, самъ преблагій владыко входъ сѣи лѣтній благослови, дождя благи къ плодоносію земли даруй, воздуха здравы и благорастворены челоуѣкомъ же и скотомъ раствори. Дажь намъ въ мирѣ и во единствѣ крѣпкомъ кругъ того прейти вѣнцемъ славы добродѣтелей украшенныхъ и свѣтомъ заповѣдей Ти благообразно, яко во днѣ добрѣ шествующихъ. Благовѣрнаго (л. 22) царя нашего и великаго князя, имя рекъ, егоже владѣти на земли оправдалъ еси, въ православіи и правдѣ и здравіи соблюди; препояши его свыше непобѣдимую силою, покори ему вар-

<sup>1</sup> а.—<sup>2</sup> умываетъ.—<sup>3</sup> обхожденія.

варьскія язъки, бранемъ хотящая, всякаго врага плочеменна и усобла подь ноги его стертися благоволи, миръ немятеженъ и свѣтель и живота долгогу ему даруй, да и мы въ тихости его тихо и безмолвно житіе во благовѣрїи и чистотѣ проживемъ, яко отъ всякія болѣзни лѣтняя премѣншеса<sup>1</sup>, нахожденія и смущенія благодатію и человѣколюбіемъ единороднаго Ти Сына, молбамы пречистыя и преблагословенныя Богородица, честнаго и славнаго пророка и предтеча твоего крестителя Іоанна, богоглаголивыхъ апостолъ и всѣхъ святыхъ нынѣ и присно и во вѣки вѣкомъ.

Молитву 2-ю новому лѣту глаголетъ святитель во услышаніе, аще ли волишь (об. 22): Владыко Господи Боже нашъ, высокій и славный человѣколюбче! воздая противу трудомъ же честь и славу, причастники твоя твоего царствія, помяни Господи, яко благъ, насъ нищихъ твоихъ, имя Тебѣ человѣколюбче. Аще и добрыхъ дѣлъ не имамъ, но многія ради милости твоея спаси ны, мы бо люди твои и овца паствы твоея и стадо, яже начати ново паствити, исторгни отъ пагубы идолослуженія. Пастырю добрый, положивый душу свою за овца, не остави насъ. Аще и еще согрѣшаемъ Ти, яко новокупленіи раби твои, во всемъ не угожающе господину своему, не возгнушайся на насъ. Аще и еще<sup>2</sup>, не отверзи насъ, но рцы намъ: не бойся малое мое стадо, яко благоизволи Отець мой небесный дати вамъ царствіе. Богатый милостію, благій щедротами, обѣщавыйся прїимати кающихся, ожидай грѣшныхъ обращенія, (л. 23) не помяни многихъ грѣховъ нашихъ, прїими ны обращающихся къ Тебѣ, заглади рукописаніе нашихъ соблазнъ, укроти гнѣвъ, имже разгнѣвахомъ Тя человѣколюбче, Ты бо еси владыка и творецъ, въ Тебѣ бо есть власть или жити намъ или умерти. Отврати гнѣвъ свой милостиве, егоже достойни есмы по дѣломъ нашимъ, и не введи насъ во искушеніе, яко персть есмы и прахъ, и не вниди въ судъ съ рабы твоими, мы бо людіе твои, Тебе ищемъ и Тебѣ припадаемъ, Тебѣ милися дѣемъ. Согрѣшихомъ и злая сотворихомъ, не соблюдохомъ и не сохранихомъ, якоже заповѣда намъ; земніи бо суще къ земнымъ приближихомся, лукавая содѣяхомъ предъ лицемъ твоимъ, отъ славы твоея и любве на похоти плотскія устремихомся, поработихомся грѣху и печальми житейскими, бѣхомъ бѣгуны своего (об. 23) владыки. Убози отъ добрыхъ дѣлъ окаяннаго ради житія каемся и просимъ, молимся о злыхъ дѣлѣ, да страхъ Твой послени въ сердца наша; молимся, да на страшнѣмъ судѣ помилуеши насъ. Спаси и ущедри, призри и посѣти, умилосер-

<sup>1</sup> лѣтныя премѣншися. — <sup>2</sup> блудимъ.

дися и помилуй, твоя бо есмь, твоею бо руку дѣло. Аще назириши Господи, Господи, кто постоитъ? Аще воздаси комуждо по дѣломъ его, кто спасется? Яко отъ Тебе есть милость многа и избавленіе душамъ нашимъ, въ руку твоею дыханіе наше, въ воли твоей живѣтъ нашъ; довелѣже бо призрѣніе твое на насъ, благодушествуемъ<sup>1</sup>. Аще бо призириши на насъ съ яростію, исчезнемъ, яко утреняя роса; не постоитъ бо прахъ противу бури, тако противу гнѣву твоему. Яко тварь отъ сотворшаго милости просимъ: помилуй насъ по величій милости твоей, все бо отъ Тебе благо намъ, все же несправедное (л. 24) отъ насъ къ Тебѣ. Все бо уклонихомся, все вкупѣ неключими быхомъ, нѣсть бо отъ насъ ни единого о небесныхъ тщащася, но все о земныхъ и о печалехъ житейскихъ, яко оскудѣ преподобный на земли, не Тебѣ оставляющу и презрящу насъ, но намъ грѣшнымъ и неключимымъ рабомъ твоимъ лѣнящимся. Не яростію твоею обличи насъ, ниже гнѣвомъ твоимъ покажи насъ; подай же на ны Господи великую твою милость, градъ нашъ сохрани отъ нахожденія иноплеменикъ, лѣто мирно рабомъ своимъ даруй, угобзи и плодоносія милости твоя Господи. Спаси Господи и помилуй государя нашего, благовѣрнаго и христоролюбиваго царя и великаго князя, имя рекъ, и благовѣрную и христоролюбивую царицу и великую княгиню, имя рекъ, и ихъ благородныя чада: благовѣрнаго царевича, имя рекъ, и благовѣрную царевну и великую князю, имя рекъ, и покори подъ позѣ ихъ всякого (об. 24) врага и сопостата. Спаси Господи и помилуй великаго господина святѣйшаго, имя рекъ, патріарха московскаго и всея Русіи, и всяко епископство, пресвященныхъ митрополитовъ и архіепископовъ и епископовъ православныхъ, исправляющихъ слово твоея истинны, и весь священническій и иноческій чинъ. И помилуй Господи и въ горахъ и въ вертепѣхъ и въ распалинахъ земныхъ и еще въ кущахъ пребывающихъ, ожидающе великія твоя милости. Помилуй въ горцѣй работѣ и въ плѣненіи сущихъ, возврати ихъ Господи во свояси и вся православныя христіане спаси и помилуй. Покой, Господи, преставльшихся рабъ твоихъ, отъ вѣка умершихъ благочестивыхъ царей и великихъ князей, архіепископы и епископы, іерейскій чинъ и иноческій и вся христіаны, скончавшаяся во святомъ крещеніи, отъ вѣка угождьныхъ Ти, Господи Боже нашъ. И Тебѣ славу возсылаемъ со безначальнымъ (л. 25) Ти Отцемъ и со пресвятымъ и благимъ и животворящимъ Ти Духомъ нынѣ и присно и во вѣки вѣкомъ.

<sup>1</sup> благодушествуемъ.

Святитель глаголетъ: Миръ всѣмъ. Протодіаконъ: Главы ваша Господеви *преклоните*. Пѣвцы: Аминь, и духови твоему, Тебѣ *Господи*. По семъ святитель глаголетъ молитву сію главопреклоненія втай; протодіаконъ втай же: Господу помолимся.

Паки твоя Господи челоуѣколюбца владыки память наказанія и паки недостойныхъ рабъ прошенія молбы вѣдущихъ, яко елико примѣши величествомъ, толико и непамятозлюбнымъ благоутробіемъ, его же ради молимъ Тя. Обрати насъ Боже спасеній нашихъ и отврати ярость твою отъ насъ, яко да не во вѣки прогнѣваеши на ны, но милостію си оживиши насъ и скоро да предварятъ ны щедроты твои <sup>1</sup> Господи. Возгласъ: Буди пресвятое имя твоего челоуѣколюбія благословено Отца и Сына и святаго Духа *мыш и присно* (об. 25) *и во вѣки вѣкомъ*. Протодіаконъ: Премудрость. Святитель: Пресвятая Госпоже Богородице спаси насъ. Пѣвцы: Честнѣйшу *аерувимъ*. Святитель: Слава Тебѣ Боже нашъ, упованіе наше, слава Тебѣ. Пѣвцы: Слава и нынѣ. Святитель, сшедъ съ мѣста на среду, и творить отпустъ новому лѣту со крестомъ: Иже всесилою и неизреченною мудростію устроившій начатокъ индикту, сіи рѣчь новому лѣту, Христосъ истинный Богъ нашъ, молитвами пречистыя Его Матере, честнаго и славнаго Ея собора, иже въ Міасинѣхъ, и память преподобнаго отца нашего Симеона <sup>2</sup> Столпника и архимарита, и матере его Марѣи, и святаго мученика Аиѣала <sup>3</sup>, и святыхъ мученицъ 40 женъ, и святаго Аммона діакона, учителя ихъ, и святыхъ мученикъ: Калиста и Еввода и Ермогена, едиnorodныхъ братій по плоти, и память Ісуса Наввина и всѣхъ святыхъ помилуетъ и спасетъ насъ, яко благъ и челоуѣколюбецъ.

(л. 26) И по отпустѣ святитель паки всходитъ на уреченное свое мѣсто и осѣняетъ крестомъ на 4 стороны <sup>4</sup>, а протодіаконъ кадитъ противо <sup>5</sup> святителя, заходя ко всякому осѣненію, и возгласаетъ: Господу помолимся, рцемъ вси. Подіяки, *ставъ* на среду, поють ко всякому осѣненію: Господи помилуй по 3-жды. И по семъ святитель, сшедъ съ мѣста своего на среднюю степень, глаголетъ къ боярину и воеводамъ и ко властемъ и къ діаконъ и ко освященному чину и ко всему народу титу о царскомъ многолѣтномъ здравіи. А егда святитель титу говоритъ, тогда пѣвцы начинаютъ пѣти многолѣтье розводное неспѣшно, и потомъ другій ликъ поють многолѣтье святѣйшему патріарху, имя рекъ, с исполати; таже подіяки, на средѣ стоя, поють пресвященному митрополиту, имя рекъ, со многолѣтиемъ.

<sup>1</sup> твоя.—<sup>2</sup> Симіона.—<sup>3</sup> Аиѣала.—<sup>4</sup> страны.—<sup>5</sup> противъ.

Титла о царскомъ здравіи (об. 26): Великаго и превысочайшаго, пресвѣтлаго и преславнаго, благовѣрнаго и благороднаго и самодержавнаго государя нашего царя и великаго князя, имя рекъ, всея Русіи самодержца, его царскаго величества великій бояринъ и изрядные воеводы, князь, имя рекъ, власти, архимариты и игумены и весь освященный соборъ, и государевы діяки, и дворяне, и дѣти боярскіе, головы и гости, сотники и служилые и всякихъ чиновъ люди и всѣ православные христіане! Въ нынѣшній въ настоящій день честнаго торжества начало индикта, сіи рѣчь входъ новаго лѣта, соборне молили всемилостиваго и всещедрого и челолюбиваго, въ Троицы славимаго Бога и пречистую Его Богоматерь и святыхъ архангель Михаила и Гаврила и прочихъ святыхъ небесныхъ силъ безплотныхъ, честнаго и славнаго пророка и предтеча крестителя (л. 27) Іоанна, святыхъ славныхъ и всехвалныхъ апостолъ и святыхъ добродѣльныхъ мученикъ, преподобныхъ и богоносныхъ отецъ нашихъ и святыхъ праведныхъ Боготецъ Іоакима и Анны, иже во святыхъ отецъ нашихъ преосвященныхъ митрополитъ Петра и Алексѣя <sup>1</sup> и Іоны, Московскихъ и всея Русіи чудотворцовъ, и иже во святыхъ отецъ нашихъ Никиты, Нифонта епископовъ, и Іоанна и Евфимія и Іоны и Моисѣя и *Серапіона* архіепископовъ, Новгородскихъ чудотворцовъ, и всѣхъ святыхъ о вселенскомъ устроеніи, и о благостояніи святыхъ Божіихъ церквахъ и совокупленіи всѣхъ, и о многолѣтномъ здравіи Богомъ вѣнчаннаго и благочестиваго и христоролюбиваго государя нашего, царя и великаго князя, имя рекъ, и о его благовѣрной и христоролюбивой царицѣ, а о нашей государынѣ великой княгинѣ, имя рекъ, и о благовѣрномъ и благородномъ (об. 27) и христоролюбивомъ царевичѣ <sup>2</sup>, имя рекъ, и о благовѣрной и благородной царицѣ и великой княжнѣ, имя рекъ, и о ихъ государскомъ общемъ богомолцѣ и отцѣ, а о нашемъ великомъ господинѣ и государѣ, святѣйшемъ, имя рекъ, патріархѣ московскомъ и всея Русіи, и о ихъ государскихъ общихъ богомолцехъ, пресвященныхъ митрополитехъ и архіепископехъ и епископехъ и о священномъ соборѣ, и о боярехъ, и о христоролюбивомъ воинствѣ, и о доброхотехъ и о всѣхъ православныхъ христіанехъ, чтобы всемилостивый, въ Троицѣ <sup>3</sup> славимый Господь Богъ нашъ въ нынѣшній въ настоящій годъ, также и въ предидущія многія лѣта, великому государю нашему, царю и великому князю, имя рекъ, всея Русіи умножилъ лѣтъ живота его и даровалъ бы Господь Богъ ему, великому государю нашему, и всему христоролюби-

<sup>1</sup> Алексѣя. — <sup>2</sup> князь. — <sup>3</sup> Троицы.



вому его воинству свыше побѣду и крѣпость (л. 28) и храбрость и одолѣніе на вся видимыя и невидимыя враги, и возвысилъ бы Господь Богъ его царскую десницу надъ безсерменствомъ и надъ латынствомъ и надо всѣми иноплеменными языки, иже бранемъ хотящая быти, и покорилъ бы Господь Богъ подъ нозѣ его всякого врага и сопостата, и царство бы его устроилъ мирно и тихо и немятежно во благоденствіи и во изобиліи плодовъ земныхъ. Дай, Господи, государь нашъ благовѣрный и христілюбивый царь и великій князь, имя рекъ, Владимирскій, Московскій, Новгородскій, царь Казанскій, царь Асторханскій и многихъ государствъ государь и обладатель и всея Русіи самодержецъ здравъ былъ съ своею государевою благочестивою и христілюбивою царицею и великою княгинею, имя рекъ, а съ нашею великою государынею, и съ своими государевы благородными чады, (об. 28) а съ нашими великими государи, со благовѣрнымъ царевичемъ княземъ, имя рекъ, и со благовѣрной царевной и великой княжной, имя рекъ, и съ своимъ государскимъ общимъ богомолцемъ и отцемъ, а съ нашимъ великимъ господиномъ и государемъ святѣйшимъ, имя рекъ, патриархомъ московскимъ и всея Русіи, и съ своими государевыми богомолцы, съ преосвященными митрополиты и архіепископы и епископы, и со всѣмъ освященнымъ соборомъ, и з боляры и съ христілюбивымъ воинствомъ, и съ доброты и со всѣми православными христіяны.

Такоже и бояринъ противъ глаголетъ ко святителю титу о царскомъ многолѣтномъ здравіи. Потомъ благословитъ себе святитель крестомъ и покропитъ святою водою, таже боярина и воеводъ и властей и діяковъ и весь освященный соборъ и всѣхъ православныхъ христіанъ святитель поздравляетъ (л. 29) и благословляетъ и кропитъ святою водою, а въ то время повелятъ <sup>1</sup> ключари звонити во вся. И, по благословеніи отъ святителя всего народа, отпускають ключари кресты и святыя иконы въ церковь по чину въ златыя врата, и съ налоговъ иконы и евангелія поднимають градстїи священницы. И по нихъ пѣвцы идутъ и поють стихъ, гласъ 8: Иже неизреченною мудростію составивый всяческая, Слово Христе Боже, иже времена и лѣта намъ предложи и дѣла руку твоею благослови, благовѣрнаго царя нашего и великаго князя, имя рекъ, силою своею возвесели, подавая ему на поганья побѣды, яко единъ благу и челоуѣколюбецъ. Таже подіаки идутъ съ лампадою и со свѣчами, по семь святителемъ и по немъ власти идутъ въ соборную церковь, а діаконъ съ кадиломъ въ дверехъ церковныхъ

---

<sup>1</sup> повелѣвають.

встрѣчаетъ кресты и святыя иконы, (об. 29) кадитъ и святителя, а подіаки поють входъ пресвященному с исполайти. И святитель, пришедъ въ церковь, станетъ на своемъ мѣстѣ и творитъ приходные поклоны по обычаю поскору, а власти и священницы стануть по странамъ, а <sup>1</sup> протодіаконъ, возьмъ кадило, глаголетъ меншую ектенію: Помилуй насъ Боже, и о благовѣрномъ царѣ и о митрополитѣ, таже за всю братію и за вся христіане. Святитель глаголетъ возгласъ: Яко милостивъ и человекѣлюбецъ Богъ еси. И протодіаконъ: Премудрость. И святитель творитъ отпустъ со крестомъ средѣ церкви и по отпустѣ благословитъ себе и властей и священницъ токмо служащихъ. И начинаетъ іерей часы, и святитель и власти дѣйствуютъ проскомидію по обычаю, и поють подіаки въ дѣйство на мѣрѣ, перемѣняяся станицы, стихи новому (л. 30) лѣту. И служитъ святитель литоргію, а въ службѣ ключари полагають сіоны и плащаницы и судари болшіе, а <sup>2</sup> обѣдню пѣвцы поють на оба лика демественую, а подіаки на амбонѣ поють все демественос же пѣніе. И по литоргіи, по розоблаченіи, святителя провожаютъ подіаки въ крестовую келью съ лампадою и со свѣчами и съ пѣніемъ и попъ съ праздникомъ и діаконъ съ панагѣею по чину.

И того дни у святителя въ Софійскомъ дому столъ властемъ и Софійскому всему собору, и передъ столомъ и послѣ стола дѣйствуютъ надъ хлѣбцомъ Богородичномъ по обычаю, а за столомъ чтуть отъ житія и чудесъ преподобнаго Симеона Столпника. И послѣ стола и хлѣба Богородична про государское многолѣтное здравіе бывають чаши и про государя святѣйшаго патріарха, и послѣ чашъ святитель ко властемъ (об. 30) творитъ прощеніе и благословитъ ихъ и отпуститъ съ миромъ во своя <sup>3</sup>, а святитель отходитъ въ крестовую, а передъ нимъ несутъ праздникъ и панагѣю, а передъ праздникомъ идутъ пѣвцы, а поють: Богородице, Ты еси лоза истинная. И въ келію святитель пришедъ, глаголетъ: Слава и нынѣ и отпустъ по обычаю келейной, а на отпустѣ поминають всѣ храмы настоящія, а послѣ отпуста святитель знаменуется у праздника и у панагѣи, и благословитъ священника и діакона, и отпускаетъ съ праздникомъ и съ панагѣею въ соборную церковь, и потомъ попа и діакона и діаконъ пѣвчихъ посылаетъ на погребъ, которые святителя въ крестовую провожаютъ.—А того дни вечерню благовѣстятъ во время, по своему обычаю, ключари приѣмъ отъ святителя благословеніе, а звонъ и пѣніе по уставу.

2. (л. 31) Святаго мученика Мамонта и память преподобнаго

<sup>1</sup> и.—<sup>2</sup> и.—<sup>3</sup> во вся своя дома.

отца нашего Иоанна Постника, патриарха Царя-града. Вечерню и утреню поюць и литоргію по уставу.

3. Святаго священномученика Анеима, епископа Никомидійскаго, и преподобнаго отца Теокиста, спостника великому Евѡимію. Вечерню и утреню и литоргію поюць по уставу. Сего дни по утру розсылають ключари звонцовъ по монастыремъ вѣстить властей къ панахидѣ за день, къ вечерни 5-го числа.

4. Святаго священномученика Вавилы, архіепископа великія Антиохія, и иже съ нимъ тріехъ младенецъ <sup>1</sup>, и святаго пророка Моисея Боговидца. Вечерню и утреню и литоргію поюць по уставу.

5. Святаго пророка Захаріи <sup>2</sup>, отца святаго Иоанна Предтечи. Вечерню и утреню и литоргію поюць по уставу. Того дни на павечерниці выпѣваемъ святаго (об. 31) мученика Созонта у Софѣи въ Темницы <sup>3</sup>. А на вечерни святитель со властью облачается къ понахидѣ и поюць понахиду <sup>4</sup> по обычаю по создателяхъ святыхъ Софѣи, по матери великаго князя Владимира, по великой княгинѣ Аннѣ Ярославовѣ. А на панахидѣ по 6-й пѣсни святитель со властью ходитъ пѣть тропаря на гробъ великія княгини Анны и у гроба ея тропарь со ектеніями поюць по обычаю и отпустъ. И по отпустѣ, паки вшедь въ церковь, отъ седмыя пѣсни допѣвають понахиду и отпускають по обычаю. И по отпустѣ *панахиды* поюць павечерню, и по отпустѣ павечерни святитель творитъ прощеніе ко властямъ и по прощеніи святитель отходитъ въ келію, а власти каждо во своя си. И по утру святитель служитъ литоргію со властью, и по заамбоннѣй молитвѣ ходитъ святитель со властью (л. 32) на гробъ тропаря пѣть великія княгини Анны, и послѣ тропаря паки входятъ въ церковь, и святитель творитъ отпустъ литоргіи по обычаю. И по отпустѣ, розоблачяся, творитъ святитель ко властямъ прощеніе, а по прощеніи отходятъ *каждо* во своя <sup>5</sup>.

6. Воспоминаніе бывшаго чудеси въ Коласаехъ, еже есть въ Хонѣхъ, отъ архистратига Михаила, и святаго мученика Евдоксія, и иже съ нимъ пострадавшихъ, и преподобнаго отца нашего Архиппа. Вечерню и утреню и литоргію поюць по уставу. Сего дни у Иоанна въ Темницы вычитаютъ напередъ дневныхъ 2 апостола и евангелія 7-го и 8-го числа. И пришедъ Знаменской протопопъ своимъ соборомъ благословляется у святителя праздновать у Знаменія въ предѣлѣ Иоанну архіепископу; святитель же благословляетъ ихъ праздновати, (об. 32) а ключари приказываютъ старостамъ поповскимъ, чтобы

<sup>1</sup> тріехъ младенцовъ.—<sup>2</sup> Захарія.—<sup>3</sup> въ Темницѣ.—<sup>4</sup> на панахидѣ.—<sup>5</sup> восвояси.

праздновали по всему граду <sup>1</sup> Іоанну архіепископу и послѣ заутрени въ 7-е число приходили со кресты отъ всѣхъ церквей къ Івану архіепископу въ Темницу.

7. Предпраздненство Рожеству пресвятыя владычицы нашея Богородицы, и святаго мученика Созонта, и память иже во святыхъ отца нашего Іоанна архіепископа, новгородскаго чудотворца. Благовѣсть <sup>2</sup> къ вечерни (на полѣ; зри) въ началѣ 9-го часа дни. И посылаетъ ключарь звонца по кануну и по кутю. Трезвонъ во вся. Въ соборѣ вечерню и утреню и литоргію поють по уставу, а вечерню и навечерню начинаютъ *пѣть* въ благовѣсть и поють поскору половина священницъ, а другая половина у праздника. И по отпустѣ навечерни приходятъ изъ собору къ празднику къ выходу и къ молебну. Святитель (л. 33) празднуетъ въ предѣлѣ у Іоанна Предтечи <sup>3</sup>, гдѣ лежатъ мощи Іоанна архіепископа, съ Софійскимъ соборомъ, а власти къ тому празднику не съѣзжаются, а вечерню и всенощное и заутреню и литоргію пѣвцы поють обиходъ новгородской роспѣвъ. Вечерня средняя, а на вечерни святитель облачается къ молебну въ сакъ вседневной. И по вечерни поють молебень, а на молебнѣ канонъ Успенію Богородицы да Іоанну архіепископу, а ко всенощному <sup>4</sup> благовѣсть за 6 часовъ дни. Егда идетъ святитель къ церкви и входитъ въ Корсунскую паперть, и творитъ святитель у создателей прощеніе. И вшедъ въ соборную церковь, сотворъ поклоненіе на востокъ Спасу, и идетъ къ празднику, а ко гробу Господню не ходитъ тогда. И всенощное начинаютъ протопопъ съ протодіакономъ по обычаю и поють всенощное по уставу, а въ соборѣ утреню начинаютъ (об. 33) пѣть послѣ праздничной литѣи, пришедъ отъ праздника, а звонятъ ко всенощному и къ евангелію на Софійской колоколни, а зазвонную статью чтутъ чудо о шествиі Іоанна архіепископа на бѣсѣ во Іерусалимѣ. И по 1-й и по 2-й каеизмахъ чтутъ о житіи и о роженіи Іоанновѣ, а на Хвалите имя Господне и на величаніи кадитъ протопопъ съ протодіакономъ и евангеліе чететь протопопъ. И по 3-й пѣсни, по чтеніи, святитель входитъ въ олтарь и облачается въ сакъ болшіе круги. И по прологѣ пѣвцы поють: Блажени непорочниі, а святитель роздастъ свѣчи и кадитъ по чину всю церковь, а свѣчи ис казны на роздачу отъ казначея. По каженіи святитель знаменуется на налогѣ у праздника и ходитъ въ Темницу ко гробу чудотворцеву и знаменуется у его мощей и, вышедъ, (л. 34) станетъ на своемъ мѣстѣ, сотворъ 3 поклоненія ко святымъ иконамъ, и осѣнитъ рукою на обѣ страны лики;

<sup>1</sup> городу.—<sup>2</sup> благовѣстити.—<sup>3</sup> Предотеча.—<sup>4</sup> и всенощному.

также и протопопъ и попы и дѣяконы, знаменався у праздника на налогъ, и ходять въ Темницу къ чудотворцеву гробу и творять все по обычаю, а допѣвають заутреню по уставу и отпустъ бываетъ по обычаю. Благовѣсть къ обѣдни въ началѣ 3-го часа дни. Святитель, вшедъ въ церковь, творить приходные поклоны и знаменуется и облачается по чину въ бѣлой сакъ. И начинаютъ молебенъ; на молебнѣ канонъ Успенію Богородицы, 2-й творецъ, да Іоанну <sup>1</sup> архіепископу. И воду святить августовымъ священіемъ и по молебнѣ служитъ святитель литургію съ Софѣйскимъ соборомъ. И несуть на переносѣ сіонъ единъ да плащаницу, образъ Іоанна архіепископа, сѣніе (об. 34) попы, а обѣдню поють на правомъ клиросѣ демественую, а на лѣвомъ строчную новгородскую, а подѣяки на амбонѣ все демественое поють. И послѣ обѣдни, по розоблаченіи, святителя провожаютъ попь съ праздникомъ, а дѣяконъ съ панагѣею по чину. И того дни у святителя <sup>2</sup> въ Софѣйскомъ дому столъ Софѣйскому собору всему и приказнымъ, а за столомъ чтеніе отъ житія и чудесъ <sup>3</sup> чудотворца Іоанна. И послѣ стола и хлѣба Богородична про государское многолѣтнее здравіе и патриарше чаши.

Въ сіи день (на полѣ: зри) *во дни* часовъ 12, а въ пощи 12, а отъ сего дни до Христова дни въ воскресные дни и поіелсосные благовѣсть къ заутрени за 5 часовъ дни, а вседневной благовѣсть за 4 часа дни. Къ молебномъ въ недѣлю на соборъ звонъ во вся въ началѣ 3-го часа дни, а когда собору не бываетъ, тогда (л. 35) къ обѣдни благовѣстятъ въ полѣ 3-я часа дни. А въ поведѣльникъ и въ среду и въ пятокъ къ обѣдни благовѣсть въ началѣ 4-го часа дни; во вторникъ и въ четвертокъ къ обѣдни благовѣсть въ полѣ 3-я часа дни. Въ субботу для воскресные вечерни къ обѣдни благовѣсть въ началѣ 3-го часа дни, а къ вечерни вседневной благовѣсть въ началѣ 10-го часа дни, а воскресной и поіелеосной въ началѣ 9-го часа дни.

Сего же седмаго числа (на полѣ: виждь) на вечерни отдается праздникъ въ церкви Іоанна Предтечи <sup>4</sup> въ Темницѣ Іоанну архіепископу, а поется вечерня вмѣстѣ съ Рождествомъ Пречистыя Іоанну архіепископу. На Господи возвахъ стихиры на 8: Рождеству Богородицы 5 стихирь и Іоанну архіепископу 3 стихиры, Слава Іоанну, и нынѣ Богородицы. На литіи Богородицы, Слава святому, (об. 35) и нынѣ Богородицы. На стиховнѣ Богородицы, Слава святому, и нынѣ Богородицы. Тропарь Іоанну, Слава и нынѣ Богородицы. Заутреню и

<sup>1</sup> Іоанну.—<sup>2</sup> бываетъ.—<sup>3</sup> житіе и чудеса.—<sup>4</sup> Предтечи.

литоргію поемъ Рожеству Богородицы по уставу сполна, а Іоанну архієпископу отселѣ не поемъ ничтоже на утрени и на литоргіи.

8. Рожество пресвятѣя владычица наша Богородица и приснодѣвы Марія. Благовѣсть къ вечерни въ началѣ 9-го часа дни, а въ благовѣсть на великихъ князей полагаются покровы, и посылають ключари звонца по праздничной канунѣ <sup>1</sup> и по кутью. Трезвонъ во вся. А въ соборѣ вечерню и утреню и литоргію поють священники по уставу. И святитель празднуеть у Софѣи, въ предѣлѣ у Рожества Богородицы, да съ нимъ 2 попа да 2 діакона. Вечерня середняя, а поють пѣвцы на вечерни. Святитель облачается къ молебну, а на облаченіи сакъ вседневной. И поють молебенъ, (л. 36) Рожеству Богородицы канонъ, а за Достойно *естъ* ирмосъ: Чюже *естъ*. Ко всенощному благовѣсть за 5 часовъ дни. Всенощное и заутреню поють по уставу. Къ величанію святитель облачается, а на облаченіи сакъ большіе круги, и каженіе святительское со свѣчами, а свѣчи ис казны. Къ обѣдни благовѣсть въ началѣ 3-го часа дни. Ризничей ризницу съ подіяки отпущаеть во Антоніевъ монастырь. Святитель къ обѣдни служитъ ѣздитъ въ Антоніевъ монастырь, а у праздника Рожества Богородицы у Софѣи благословляеть служить обѣдню попа з діакономъ. А какъ святитель въ Антоніевъ монастырь пріѣдетъ, и въ монастырѣ встрѣчаютъ святителя игуменъ з братією у святыхъ вратъ з благовѣстомъ и з звономъ, а поць со крестомъ, діаконъ съ кадиломъ. И святитель молится предъ враты, и глаголетъ Достойно *естъ* (об. 36) и молитву приходную по обычаю, и на молитвѣ поминаеть своихъ храмовъ святыхъ и того монастыря храмовъ, и благословитъ себе крестомъ и властей, которые съ нимъ пріѣдутъ служить, и того монастыря игумена и священницъ и діаконѡвъ, которые въ облаченіи, а братію благословляеть рукою и спрашиваетъ игумена и братію о здоровіи. И потомъ входитъ въ монастырь и, пришедъ въ церковь и ставъ на мѣстѣ, творитъ приходные поклоны, и знаменуется у святыхъ иконъ и у раки чудотворца Антонія, и облачается по чину среди церкви въ сакъ большіе круги. И начинаютъ молебенъ, а на молебнѣ канонъ поють Рожеству Богородицы да чудотворцу Антонію, а за Достойно *естъ* ирмосъ *поютъ*: Чюже *естъ*. Потомъ святитель святитъ воду августовымъ священіемъ и по молебнѣ служитъ (л. 37) святитель литоргію по чину, а на дѣйствѣ поють подіяки, перемѣняяся <sup>1</sup> станицы, стихи празднику, а обѣдню поють на правомъ клиросѣ демественую, а на лѣвомъ строчную новгородцую, а подіяки все поють амбонное

<sup>1</sup> канонъ.—<sup>1</sup> перемѣняя.

демественое, а на большемъ переносѣ образъ на плащаницѣ чудотворца Антонія носятъ священники. И послѣ обѣдни попъ съ праздникомъ, а дѣяконъ съ панагѣею входятъ въ трапезу, а святитель ходитъ въ келью для премѣненія обычнаго одежды. И того дни въ монастырѣ у игумена зъ братьею бываетъ столъ святителю и боярину и воеводѣ и дѣякомъ и властемъ и Софѣйскому всему собору, а за столомъ чтеніе чететъ крылошанинъ торжественныя слова Рожеству Богородицы. И послѣ стола крылошане поютъ стихирю Богородицы, и потомъ святитель дѣйствуетъ надъ хлѣбцомъ (об. 37) Богородицынымъ. И посемъ про царское многолѣтное здравіе и патриарше чаши, и по чашахъ святитель входитъ въ церковь, и глаголютъ ектенію дѣяконъ, іерей отпустъ со крестомъ и подноситъ ко святителю крестъ. Святитель благословитъ себе крестомъ и прилучившихся ту; потомъ знаменуется у иконъ, и творитъ прощеніе у мощей чудотворца Антонія, и выходитъ изъ монастыря, и у святыхъ вратъ творитъ: Достоинно есть и обычный молитвенный отпустъ. И святитель глаголетъ прощеніе ко игумену и братіи и благословляетъ ихъ рукою, по семъ идетъ въ домъ свой, славя Бога.

9. Святыхъ праведныхъ Богоотецъ Іоакима и Анны. Благовѣсть къ вечерни, какъ святитель прѣдетъ изъ Антоніева <sup>1</sup> монастыря; трезвонъ во вся. А въ соборѣ вечерню и утреню и литоргію (л. 38) поютъ по уставу, а святитель празднуетъ въ предѣлѣ Іоакима и Анны, а съ нимъ 2 попа да 2 дѣякона. Вечерню и всенощное и утреню и литоргію поютъ пѣвцы. Вечерня средняя, а на вечерни святитель облачается къ молебну, а на облаченіи сакъ вседневной. И по вечерни поютъ молебень, а на молебнѣ канонъ Іоакиму и Аннѣ поютъ. Благовѣсть ко всенощному за 5 часовъ дни. Всенощное и утреню поютъ по уставу, а святитель облачается къ величанію въ сакъ вседневной, а каженіе святительское со свѣчами, а свѣчи ис казны отъ казначей гладіе, а величаніе поетъ правой ликъ, что на праздникъ Рожества Богородицы, а лѣвой ликъ поютъ величаніе: Величаемъ васъ, святіи Богоотцы Іоакимъ и Анна, и чтемъ святую память вашу, вы бо молитесь за насъ Христа Бога нашего. (об. 38) Благовѣсть къ обѣдни въ началѣ 3-го часа дни. И святитель входитъ въ церковь, и творитъ приходные поклоны по обычаю, и знаменуется и облачается по чину въ сакъ воскресной. И начинаютъ молебны, а на молебнѣ каноны поютъ Рожеству Богородицы и Іоакиму и Аннѣ, а воды святитель на молебнѣ не святитъ и послѣ молебна святитель служитъ литоргію, а

<sup>1</sup> изъ Онтоньева.

пѣвцы поютъ литоргію на оба лика въ строки, а подіаки амбонное все поютъ демественое. И того дни у святителя въ Софѣйскомъ дому столъ служащимъ и пѣвцомъ и подіакомъ.

Въ недѣлю предъ Воздвиженіемъ (на полѣ: зри) выходы и молебны не бываютъ. И того дни къ вечерни благовѣсть въ началѣ <sup>1</sup> 9-го часа дни; другой звонъ по обычаю, а вечерню и павечерню поютъ по уставу. И бываетъ ходъ къ Софѣи Премудрости (л. 39) Божіи отъ шести соборовъ со кресты, старосты койждо отъ своего собору. И въ благовѣсть Софѣйской повелѣваетъ староста у себя въ соборѣ благовѣстити на соборъ, и собираются койждо въ соборы своя, всѣ попы и діаконы всего града отъ своихъ церквей. И по другомъ Софѣйскомъ звону велить койждо староста во вся звонить, койждо у своего собору. А поднимаютъ кресты по чину и начинаютъ молебенъ, а на молебнѣ каноны поютъ идучи Успенію Богородицы да Никитѣ епископу и Іоанну архіепископу, да койждо староста прилагаетъ своему храму канонъ. А въ соборѣ старосты на отпустехъ вспоминаютъ тѣхъ же святыхъ, кому въ ходу каноны пѣты. По <sup>2</sup> Богъ Господь идутъ со кресты къ соборной церкви, къ Софѣи Премудрости Божіи, а въ то время на Софѣйской колоколни звонятъ во вся. И, пришедъ со кресты священники (об. 39) и діаконы, ставятся въ Корсуньской паперти до уреченнаго времени. По процѣтїи же вечерни, на павечерни <sup>3</sup> ключарь повелитъ Каменного города <sup>4</sup> попомъ и діакономъ облачатися и поднимать кресты. И первое поднимаютъ крестъ выносной, да образы Софѣи Премудрости Божіи и Неопалимыя Купины, да на блюдѣ крестъ благословящей и воду святую. И по Достойнѣ на павечерни облачается Софѣйской протопопъ и попы и діаконы въ ризы и по отпустѣ павечерницы прощеніе творятъ и помянникъ. И въ то время повелитъ ключарь попомъ и діакономъ со кресты выходить изъ олтаря, и ставятся со кресты противъ святительскаго мѣста, а протопопъ и попы и діаконы, вышедъ изъ олтаря, ставятся по ликомъ. И, по совершеніи помянника, глаголетъ святитель прощеніе къ протопопу и священникамъ (л. 40) по чину. Потомъ протодіаконъ, ставъ предъ кресты, начинаетъ молебенъ: Благослови владыко, а <sup>5</sup> протопопъ глаголетъ: Благословенъ Богъ нашъ, а псаломщики глаголють: Святый Боже и Господи услыши молитву мою. Тогда протопопъ и священники, зашедъ, творятъ поклоненіе святителю <sup>6</sup> два два и по поклонехъ поютъ: Аллилуія и ектенію. По ектеніи протопопъ возгласъ, а священники:

<sup>1</sup> въ начало. — <sup>2</sup> И по. — <sup>3</sup> на павечерницы. — <sup>4</sup> града. — <sup>5</sup> и. — <sup>6</sup> ко святителю.



Богъ Господь. И по возгласѣ протопопъ подноситъ крестъ на блюдѣ ко святителю, и святитель, пріемъ крестъ, благословитъ себе и протопопа крестомъ и священницъ и полагаєтъ паки на блюдѣ крестъ, а ключарь отпускаєтъ кресты изъ церкви въ златія двери. И бываетъ ходъ къ Спасу на Ілїину улицу, и поютъ идучи на молебнѣ каноны Преображенію да Знаменію Богородицы до 9-я пѣсни, а каноны попы говорятъ идучи, и тогда (об. 40) звонятъ во вся. Егда же со кресты придутъ къ Спасу, и встрѣчаютъ кресты и протопопа предъ церковію діаконъ съ кадиломъ, а попъ зъ благословящимъ крестомъ на блюдѣ. И протопопъ, пріемъ крестъ, благословитъ себе и поповъ и діаконѡвъ, и входятъ въ церковь, и уставляєтъ ключарь кресты по чину. Таже глаголютъ діаконства малая и прокимень, а четєть евангеліє протопопъ Софѣйской. И по евангеліи: Слава Тебѣ Господи, и поютъ: Радуйся двери Божія, таже Трисвятое и по Отче нашъ тропари и кондаки Преображенію и Знаменію. Таже ектенія: Помилуй насъ Боже—глаголетъ протодіаконъ по молебному съ кадиломъ и кадитъ по чину. И потомъ протопопъ возгласъ и отпустъ со крестомъ средѣ церкви, а отпустъ Преображенію и Знаменію. И по отпустѣ напредъ кропитъ (л. 41) святою водою церковь крестаобразно и благословляетъ себе и священницъ крестомъ и народъ, и паки отходятъ къ Софѣи Премудрости Божіи со кресты. протопопъ съ соборомъ своимъ и поютъ крестоходные стихи: Небесныхъ силъ воевода и прочія стихи и Яко щедръ и Блажени непорочніи. И отъ Черного креста идучи начинаютъ пѣть: Владычице прїими молитву рабъ своихъ, и пришеде въ Софѣю, допѣвъ: Владычице *прїими*, говоритъ протодіаконъ ектенію меньшую бес кадила: Помилуй насъ Боже, о царѣ и о митрополитѣ и за вся христїане. И протопопъ возгласъ и отпустъ со крестомъ, а на отпустѣ воспоминаєтъ Успенія Богородицы и чудотворцовъ. Потомъ разоблачася всѣ и выходятъ изъ церкви, слава Бога.

Егдаже протопопъ (на полѣ: зри) пойдетъ со кресты изъ соборныя церкви къ Спасу, тогда выходятъ недѣльной попъ (об. 41) съ кадиломъ, а діаконъ со свѣчею изъ олтаря и встрѣчаютъ изъ западныхъ дверей шести соборовъ кресты, а кресты входятъ въ соборную церковь врознь, по единому собору, а за кресты староста поповской съ попы, койждо своимъ соборомъ. И, идучи черезъ порогъ церковной, поютъ вси единогласно: Радуйся двери Божія, а соборной попъ встрѣтитъ <sup>1</sup> съ кадиломъ и діаконъ со свѣчею и идутъ паки во олтарь, а староста поповской, крестъ благословящей держа въ правой руки,

<sup>1</sup> встрѣтивъ.

станеть средѣ церкви, а попы ставятся на оба лика отъ первого круглаго церковнаго столпа и до амбона, а со крестомъ и съ выносными иконами стануть у амбона къ западу лицомъ. И, допѣвъ стихъ: Радуйся двери *Божія*, дѣяконъ того собору говоритъ съ кадиломъ ектенію болшую: Помилуй насъ Боже и кадитъ напредъ крестъ и святыхъ иконы выносныя, (л. 42) потомъ сѣнь надъ царскими дверми и мѣстную икону Софью и на палогехъ мѣстные иконы на правой странѣ и святителя по чину и старосту и по ликомъ священницъ. И по ектеніи староста глаголетъ возгласъ: Услыши ны *Боже*, дѣяконъ глаголетъ: Премудрость, а священницы: Честнѣйшую херувимъ и староста отпустъ со крестомъ средѣ церкви и по отпустѣ приносить крестъ ко святителю. И святитель, самъ себе знаменавъ крестомъ и потомъ старосту и прочихъ священницъ и дѣяконовъ благословивъ, и отдасть крестъ старостѣ. И идутъ со крестомъ и с иконами <sup>1</sup> мимо святительскаго мѣста въ златые двери, а соборной попь съ кадиломъ и дѣяконъ со свѣчею провожаютъ кресты. И святитель, сшедъ съ мѣста, провожаетъ кресты и, вышедъ предъ златые двери, и святитель станеть на орлецы, <sup>2</sup> а попь покадитъ крестъ и иконы выносныя и святителя, и потомъ (об. 42) святитель знаменуется у креста и у святыхъ иконъ и благословляетъ поповъ рукою; они же, по благословеніи, койждо отходятъ паки къ своей церкви. И святитель, вшедъ въ церковь, станеть на своемъ мѣстѣ. И <sup>3</sup> егда святитель знаменуется у крестовъ и у святыхъ иконъ, тогда соборной же попь съ кадиломъ, а дѣяконъ со свѣчею встрѣчаютъ другій соборъ таможе, въ западныхъ дверехъ, по тому же чину. Также и прочая соборы все творять по тому же чину, какъ и первому собору указано творити, и прочая вся по обычаю. И по отпустѣ послѣднаго собора святитель идетъ въ келію, благодаря Бога. И того вечера у святителя въ Софійскомъ дому протопопу з братьею на погребъ всходъ бываетъ.

10. Святыхъ мученицъ: Минодоры и Митродоры и Нимеодоры. Вечерню и утреню и литоргію поють по (л. 43) уставу.

11. Память преподобныя матере нашея Феодоры, иже во Александріи. На вечерни и на утрени и на литоргій служба поется вкупѣ священномученику Автоному съ Феодорою по уставу.

12. Святаго священномученика Автонома. Въ сій же день отдастся праздникъ Рождества пресвятыя Богородица. Трезвошь во вся безъ болшего. Вечерню и утреню и литоргію поють по уставу.

<sup>1</sup> с иконы.—<sup>2</sup> на орлецѣ.—<sup>3</sup> А.

13. Обновленіе храма святаго Воскресенію Христа Бога нашего и предпразднество честнаго и животворящаго креста и святаго священномученика Корнелія сотника. Трезвонъ во вся безъ болшого. Вечерню и утрею и литоргію поють по уставу, а на литоргіи прокимень единъ празднику, апостоль и евангеліе преже празднику, потомъ дню, и завтрошнаго дне апостоль и евангеліе вычитаютъ подъ зачало; причастенъ празднику: (об. 43) Хвалите Господа, другій: Господи возлюбихъ благолѣшіе дому твоего и мѣсто...

14. Всемирное воздвиженіе честнаго и животворящаго креста Господня и успеніе иже во святыхъ отца нашего Іоанна Златоустаго, патріарха Царя-града. Благовѣсть къ вечерни въ началѣ 9-го часа дни. Въ благовѣсть приходитъ протопопъ да ключари да іерей и дѣяконъ недѣльные, облачая, съ кадиломъ и съ лампадою къ сосудохранялицѣ, <sup>1</sup> и покадитъ іерей честный крестъ и тамо сущая святая и протопопа и ключарей. И начинаеть дѣяконъ: Благослови владыко; пощъ: Благословенъ Богъ нашъ, краткими гласы. Дѣяконъ глаголетъ: Трисвятое и по Отче нашъ возгласъ: Яко твое есть царство; таже трошаръ кресту: Спаси Господи люди своя, Слава и пылѣ, кондакъ кресту: Вознесыйся на крестъ. Потомъ покадитъ <sup>2</sup> пощъ крестъ и дѣякона (л. 44) и отдасть кадило дѣякону, и дѣяконъ, пріемъ кадило, покадитъ іерея; таже дѣяконъ отдасть свѣчу полomonарю. Потомъ іерей сотворъ поклоненіе кресту и подемятъ его з блюдомъ на главу и вносятъ его во святой олтаре, предидущу же предъ нимъ полomonарю съ лампадою, а дѣяконъ кадитъ противу крестъ. И, принесъ, полагаетъ іерей честный крестъ з блюдомъ на святемъ престолѣ на евангельскомъ мѣстѣ, а евангеліе полагаетъ на престолѣ на горнес мѣсто. И пріемъ іерей кадило, и покадитъ крестъ на престолѣ и дѣякона и отдасть кадило дѣякону. И дѣяконъ покадитъ іерея и потомъ кандилопчиста и отдасть кадило. И возжгутъ предъ честнымъ крестомъ свѣщу на всю нощъ.

И <sup>3</sup> егда святитель, пришедъ въ церковь, станетъ на своемъ мѣстѣ, тогда протопопъ съ протодѣякономъ начинаютъ вечерню, (об. 44) а <sup>4</sup> поють вечерню болшую по уставу, а вечерню и заутреню и литоргію поють пѣвцы. И на вечерни святитель облачается къ молебну, а на облаченіи сакъ малые кресты, и по вечерни святитель со священницы поють молебенъ кресту, а за Достойно есть ирмосъ: Тайно еси Богородице. И по молебнѣ павечерня бываетъ на соборѣ, а на вечерни по литіи пощъ з дѣякономъ во олтаре благословляются у свя-

<sup>1</sup> сосудохранительницѣ—<sup>2</sup> кадитъ.—<sup>3</sup> А.—<sup>4</sup> и.

тителя праздновать Іоанну Златаусту въ храмѣ его и поють з Воздвиженіемъ вмѣстѣ Іоанну Златаусту. Вечерня и заутреня и литоргія бываетъ по уставу.

Въ соборѣ къ заутрени благовѣсть за 6 часовъ дни, а вмѣсто полунощницы начинаютъ недѣльной попъ да діаконъ молебнo со статіями, а заутреню начинаютъ протопопъ съ протодіакономъ. И по первой (л. 45) каѳизмѣ и чтеніи святитель облачается къ каженію, а на каженіи *санъ* болшіе кресты. И на величаніи святитель роздаетъ свѣчи и кадитъ по чину. И по каженіи поють заутреню по уставу, а отпускають попъ да діаконъ недѣльные. И по 8-й пѣсни въ олтарѣ запѣваетъ іерей девятые пѣсни начало ирмоса: Тайно еси Богородице; священники же на клиросѣ запоють: Рай невоздѣланенъ. На хвалитехъ входитъ святитель во олтарь и облачается, а на амбонѣ подіаки поють славникъ и Славословіе неспѣшно. И въ то время ключари поставляютъ налогъ средѣ церкви, оболченъ паволокою, и постилають на немъ пелену и на амбонѣ дверцы, что отъ запада, пеленою завѣсятъ для крестнаго воздвизанія. И по облаченіи святитель идетъ предъ престолъ. Протодіаконъ подноситъ святителю кадило, и святитель, пріемъ (об. 45) кадило, осѣняетъ на обѣ странѣ съ кадилемъ и кадитъ престолъ окрестъ и олтарь весь и царскіе двери, предиходящу протодіакону со свѣщею, и паки, обратяся, кадитъ престолъ и священницъ на обѣ страны и протодіакона и отдастъ кадило. Протодіаконъ же, пріемъ кадило, покадитъ святителя. И въ каженіе діакони подъемлютъ рипиды и стоятъ у жертвеника. По Славословіи же пѣвцы поють: Святый Боже неспѣшно. Тогда со святителя сойметъ діаконъ шапку, и святитель подементъ крестъ на блюдѣ съ престола на главу, подъ руки поддержимъ началнѣйшими іереи, а ключарь повелитъ звонить во вся доволно, и во все дѣйство звонять и до ектеніи. И идуть на выходъ сѣверными дверми: напредъ идетъ свѣщевжигатель съ подсвѣчникомъ, а на немъ свѣча, и по немъ идуть діакони съ рипидами и (л. 46) по нихъ діаконъ съ шапкою, потомъ подіаки съ лампадою и со свѣчами, по семъ протодіаконъ да ризничей въ два кадила кадятъ сопреди крестъ, потомъ святитель идетъ со крестомъ и по немъ подіакъ съ посохомъ. Таже іерей идуть въ рядъ два два. И, пришедъ, полонмарь<sup>1</sup> поставляетъ подсвѣчникъ со свѣчею посторонъ налога, а діакони съ рипидами стануть за налогомъ, а съ шапкою у мѣста станеть. И пришедъ святитель ко уготованному налогу, и поставляетъ крестъ на налогъ, а предъ налогомъ подсвѣчникъ со свѣчею поставляютъ клю-

<sup>1</sup> полонмарь.

чари ближе для креста бреженія ради. И протодіаконъ подастъ кадило святителю, самъ же приемлетъ отъ поломонаря свѣчу; святитель же, приемъ отъ протодіакона кадило, и осѣнитъ іереовъ кадиломъ на обѣ страны и кадитъ крестъ на налогѣ окрестъ и сѣнь и мѣстной образъ. (об. 46) И, ставъ паки прямо налогу, кадитъ крестъ и на оба клироса священникъ и протодіакона и отдастъ кадило протодіакону; протодіаконъ же приемъ кадило и покадитъ святителя. И егда совершится трисвятое пѣніе, протодіаконъ возгласитъ: Премудрость прости, стоя съ правую страну налога. <sup>1</sup> И священники, оба лика вкупѣ, тропарь поють на первый гласъ: Спаси Господи люди своя и по концы тропаря поклонъ кресту въ землю, а святитель тогда на орлецы стоитъ, а на мѣсто не всходитъ. И тогда подіакъ полагаетъ на амбонѣ орлець. И по скончаніи тропаря: Спаси Господи люди своя со святителя соймуть шапку, и святитель, прекрестя себе, приемлетъ крестъ з блюдомъ съ налога и поставляетъ себѣ на главу и идетъ на амбонъ по степенямъ отъ царскихъ дверей, а блюдо исподъ креста здадутъ съ амбона ключари. (л. 47) И приемлютъ полотенцо іереи на амбонъ и поддерживаютъ свитителя тѣмъ полотенцомъ твердо подъ перси, а святитель воздвизаетъ на амбонѣ крестъ, стоя на орлецы, прямо востоку зря, къ царскимъ дверемъ, а прямо святителя протодіаконъ глаголетъ, съ кадиломъ стоя, ектенію во услышаніе всѣмъ: Помилуй насъ Бже и кадитъ честный крестъ единожды и творитъ поклонъ. И святитель такожде творитъ осѣненіе честнымъ крестомъ противу каженія крестобразно единожды. И <sup>2</sup> по обѣ страны протодіакона стоятъ съ рипидами <sup>3</sup> діаконы, а по лѣвую страну протодіакона подіакъ съ лампадою, а другой со свѣчею, а по правую страну діаконъ съ шапкой да подіакъ з другой свѣчею. И по странамъ станутъ священники, а позадѣ святителя подіакъ съ посохомъ. И по ектеніи первое (об. 47) пѣвцы поють: Господи помилуй 100. И <sup>4</sup> егда поють первую 50, тогда святитель преклоняетъ къ земли главу, а на главѣ крестъ держа подножіемъ на челѣ, горнею же частію высерь стоящъ, елико пяди отстоитъ отъ земля глава, поддерживающимъ перси его убрусомъ двема презвитерома. Протодіаконъ же, стоя прямо святителю, кадитъ беспрестани, дондеже святитель всклонится. Пѣвцы же по 50-хъ Господи помилуй возгласятъ единощи и допѣваютъ по согласію. Святитель же помалу восклоняется, дондеже исполнится вторая 50 Господи помилуй, и возноситъ крестъ горѣ. И егда пѣвцы пропоють: Господи помилуй 96, и седмое Господи помилуй возглашаютъ <sup>5</sup> гласомъ и допѣваютъ: Господи поми-

---

<sup>1</sup> налогу.—<sup>2</sup> А.—<sup>3</sup> съ рипиды.—<sup>4</sup> А.—<sup>5</sup> возвышаютъ.

луй 3-жды, якоже исполнити 100. Святитель же станеть прямо и паки осѣняетъ (л. 48) крестомъ 1-жды, а протодіаконъ противо осѣненія такожде кадитъ крестъ 1-жды. Потомъ обращается къ южнѣй странѣ, а переходять противо святителя протодіаконъ и діакони съ рипидами и съ шапкой и подіаки со свѣчами, и священницы такожде преходять съ мѣсть по странамъ, а подіакъ съ посохомъ. И, прешедъ, протодіаконъ глаголетъ ектенію: Еще молимся о благовѣрномъ. Пѣвцы же, вторый ликъ, такоже поють: Господи помилуй 100 съ перепѣвомъ. Святитель же творить второе воздвиженіе, якоже и преже указано, 1-жды осѣненіе крестомъ въ началѣ и въ концѣ. <sup>1</sup> И егда же хочеть обратитися убо на кую страну поклоненіе сотворити, и предъ поклоненіемъ творить паки единою осѣненіе. Потомъ паки обращается святитель на западъ; протодіаконъ глаголетъ ектенію: Еще молимся о всякой души христіанской. <sup>2</sup> По семь обращается (об. 48) святитель на сѣверъ; протодіаконъ глаголетъ ектенію: Еще молимся о оставленіи грѣховъ. По семь обращается святитель къ востоку, а протодіаконъ глаголетъ ектенію: Еще молимся. И на всѣхъ ектеніяхъ пѣвцы поють, по ликомъ черемѣнаяся, по 100 Господи помилуй съ перепѣвомъ, а протодіаконъ съ кадиломъ и діакони съ рипидами и съ шапкою и подіаки съ лампадою и со свѣчами и священницы и съ посохомъ подіакъ преходять около амбона по преже писанному указу. И святитель воздвизаетъ крестъ и осѣняетъ на всѣхъ ектеніяхъ такожде по преже писанному указу. И, по совершеніи дѣйства, берутъ блюдо ключари на амбонѣ и подносятъ ко святителю; святитель же полагаетъ крестъ на блюдо, и подеметъ паки на главу, и тако сходитъ съ амбона по степени противъ западу, держай крестъ на блюдѣ на главѣ, (л. 49) поддержимъ подъ руки начальнѣйшими іерен. И пришедъ прямо аналогу сопреди, и поставляетъ крестъ на блюдѣ на а(на)логъ <sup>3</sup> и, мало отступивъ, станеть на орлецѣ. <sup>4</sup> И протодіаконъ отдастъ кадило подяку, подякъ же съ кадиломъ стоитъ у амбона до времени. Таже священницы, оба лика вкупѣ, поють кондакъ кресту: Вознесыйся. По пропѣтіи кондака, поеть святитель: Кресту твоему поклоняемся Владыко и святое воскресеніе твое славимъ 3-жды. И со святителемъ поють всѣ священницы вкупѣ единогласно и, пропѣвъ, поклоняются честному кресту вси до земли вкупѣ со святителемъ по 3-жды. По семь 1-й ликъ пѣвцы поють той же стихъ, таже 2-й ликъ то же; подіаки на амбонѣ поють то же. Сотворяетъ же поклоненіе сице: святитель же поклоняется предъ честнымъ крестомъ 2-жды, и цѣлуетъ животворящій крестъ, и по цѣлованіи паки

<sup>1</sup> въ концѣ.—<sup>2</sup> христіанстей.—<sup>3</sup> на алогъ.—<sup>4</sup> на орлецъ.

поклонится единою до земля, и (об. 49) всходитъ на мѣсто, и сотворитъ 3 поклоны ко святымъ иконамъ обычныи, и осѣняетъ на обѣ страны съ поклоненіемъ. И по семь бояринъ и воєвода и діаки, протопопъ и священники и вси православніи христіане цѣлуютъ честный крестъ такоже по чину и поклоняются ко святителю съ прощеніемъ, а святитель коегождо ихъ осѣняетъ рукою; священники жъ на оба лика на цѣлованіи поютъ стихиры самогласны. И по цѣлованіи всего народа, святитель, пріемъ отъ протодіакона кадило, и покадитъ крестъ спреди, и отдастъ кадило протодіакону, и подемлетъ святитель крестъ з блюдомъ на главу, поддержимъ подъ руки іереи, а презвитери два, возьмъ аналогъ и подсвѣчникъ со свѣщею, и относятъ на мѣсто къ поклоннымъ святымъ иконамъ. Святитель же идетъ по нихъ потиху къ налогу со крестомъ, а протодіакъ<sup>1</sup> кадитъ противу честный крестъ, а за святителемъ идутъ (л. 50) священники. Святитель же, пришедъ къ налогу, полагаетъ крестъ на налогъ на пелену безъ блюда и, пріемъ кадило, покадитъ честный крестъ 3-жды и протодіакона и отдастъ кадило протодіакону; протодіаконъ же, пріемъ кадило, покадитъ святителя и отдастъ кадило поломонарю. И ставъ на уреченномъ мѣстѣ протодіаконъ и глаголетъ ектенію: Помилуй насъ Боже, а ключари велятъ перестать звонить. Святитель же входитъ во олтарь и розоблачится и по немъ священники. И святитель, розоблачась, выходитъ изъ олтаря и станетъ на обычномъ мѣстѣ. И отпѣвають заутреню и первый часъ по уставу и по чину.

Того же дне (на полѣ: зри) послѣ заутрени ходъ со кресты отъ Софїи Премудрости Божїи къ Воздвиженію честнаго креста на Воздвиженьскую, а ходитъ протопопъ з братьею и з девяти<sup>2</sup> престолвыми священники. На молебнѣ, къ празднику идучи, поютъ (об. 50) канонъ кресту, а отъ праздника идучи поютъ согласіе, а въ соборную церковь пришедъ, творятъ молебномъ отпустъ по обычаю.

Благовѣсть къ обѣдни въ началѣ 4-го часа дне; <sup>3</sup> аще ли въ недѣлю, то въ началѣ 3-го часа дне. Святитель входитъ въ церковь и творитъ приходные поклоны и знаменуется и облачается по чину, а на облаченіи сакъ рудожелтой кресчатой. И начинастъ іерей часы, а святитель служитъ литоргію по чину. На дѣйствѣ поютъ подіаки, перемѣнная станицы, стихи празднику, а обѣдню поютъ пѣвцы на правомъ клиросѣ демественную, а на лѣвомъ строчную новгородцеую, а подіаки на амбонѣ поютъ все демественое, <sup>4</sup> а на болшемъ выходѣ на переносѣ несутъ сіоны и плащаницы. И послѣ обѣдни попъ съ

<sup>1</sup> протодіаконъ. — <sup>2</sup> девятии. — <sup>3</sup> дни. — <sup>4</sup> всѣ демество.

праздникомъ, а діаконъ съ понагією провожаютъ святителя въ келью по чину. И того (л. 51) дне у святителя въ Софійскомъ дому столъ всему Софійскому собору, а за столомъ хлѣбъ Богородицынъ и чтеніе въ Торжественнѣхъ: слово на Воздвиженіе честнаго креста Хруса уединеннаго, ему же пачало: Повелѣніе.

15. Святаго великомученика Никиты. Въ той же день празднуемъ стрѣтенію пречистые Богородицы чудотворной иконы Владимирской. Трезвонъ во вся. На вечерни и на утрени и на литургіи поемъ Пречистой и великомученику и кресту (на полѣ: зри) вмѣстѣ по уставу. Въ началѣ перваго часа дни благовѣсть на соборъ въ большой колоколь и въ средней и въ меньшей; въ началѣ 3-го часа дне звонъ во вся и собираются власти ко святителю въ крестовую келью. И егда приспѣетъ время, идетъ святитель со властями въ соборную церковь и, пришедъ, творитъ приходные поклоны и знаменуется и облачается по чину; (об. 51) сакъ вседневной, а къ обѣднѣ сакъ болшіе круги. И глаголетъ вхвдъ и архіерейскіе молитвы, а на облаченіи и на мѣрѣ поютъ подіаки дневные стихи, перемѣняя станицы. Егда же начнетъ святитель глаголати 3-ю молитву, тогда ключари благословляются у святителя кресты поднимать и повелѣваютъ кресты поднимать посадскимъ попомъ и діакономъ. И поднимаютъ рипиды и крестъ выносной и образы Софїи и Знаменія и Пречистые Тифиньскіе и Владимирскую болшую икону и евангеліе да крестъ благословящей на блюдѣ и ставятся противо святителя, а подіакъ повѣщаетъ изъ олтаря властей на соборъ. И начинаютъ молебень и бываетъ ходъ на Никитину улицу къ великомученику Никитѣ, а на молебнѣ идучи поютъ 1-ю статію Троицѣ да Благовѣщенію и четъ евангеліе святитель у Черного креста; 2-я статія на Опокахъ (л. 52) у Предтечи <sup>2</sup> Успенію Богородицы да Іоанну <sup>3</sup> Предтечи; 3-я статія на Славковѣ за всяко прошеніе да великомученику Дмитрію Сслуньскому. Евангеліе власти чтутъ постепенно. 4-я статія въ церкви Пречистой Владимирской да великомученику Никитѣ, а четъ евангеліе святитель и послѣ: Владычице святить воду. И по'отпустѣ молебна святитель отпущаетъ кресты къ Софїи съ неслужащими властями и служитъ литургію со властями у праздника. На дѣйствѣ подіаки поютъ, станицы перемѣняя, стихи празнику, а обѣдню поютъ пѣвцы правый ликъ демественую, а лѣвый строчную новгородскую, а подіаки амбонное <sup>4</sup> все поютъ демественое, а ключаръ велитъ приготовить праздничной канонъ и кутію. И послѣ обѣдни святитель идетъ въ домъ свой, слава Бога.

<sup>1</sup> А.—<sup>2</sup> Предтеча.—<sup>3</sup> Іоанну.—<sup>4</sup> на амбонѣ.



16. Святныя великомученицы Евфиміи прехвалныя. Вечерню и утреню и литоргію (об. 52) поють по уставу.

17. Святыхъ мученицъ: Вѣры и Любве и Надежди и матере ихъ Софіи. Вечерню и утреню и литоргію поють по уставу.

18. Преподобнаго отца нашего Евменія чудотворца, епископа Гортуньскаго, и память святаго священномученика Симеона <sup>1</sup>, епископа Іерусалимскаго. Въ сій день поемъ на вечерни и на утрени и на литоргіи Евстафію Плакидѣ по уставу, а Евменію поемъ на павечерницѣ.

19. Святыхъ мученикъ: Трофима и Саватія и Доромента, <sup>2</sup> и преставленіе святаго благовѣрнаго князя Θεодора, Смоленскаго и Ярославльскаго чудотворца, и чадъ его Давида и Константина. Трезвонъ во вся. Вечерня болшая съ литією. На утрени псаломъ избранной: Услышите сія вси *языцы*. Служба вся поется по уставу, а мученику Трофиму и иже съ нимъ поють на павечерницѣ. <sup>3</sup>

20. (л. 53) Святаго великомученика Евстафія и иже съ нимъ и святыхъ мученикъ, новыхъ исповѣдникъ: великаго князя Михаила Черниговскаго и боярина его Θεодора. Трезвонъ во вся безъ болшихъ. Вечерню и утреню и литоргію поють князю Михаилу и Θεодору по уставу.

21. Святаго апостола Кондрата, иже въ Магнисіи. Въ сій день отдается празникъ честнаго креста. Вечерню и утреню и литоргію поють по уставу. Служба святаго апостола Кондрата поется въ 22 день. По отпущеніи литоргіи исходитъ іерей изъ олтаря съ кадиломъ, а дѣяконъ со свѣчею и творять ко святителю поклоненіе. Іерей покадитъ честный крестъ на налогѣ и потомъ святителя, таже дѣякона и отдасть кадило дѣякону. Дѣяконъ же, пріемъ кадило, покадитъ іерея и отдасть свѣчу полomonарю. Іерей же взираетъ честный крестъ з блюдомъ на главу и вноситъ (об. 53) его во святыи олтарь царскими дверми, предходящу же предъ нимъ дѣякону съ кадиломъ и кадитъ противо честный крестъ. И по нихъ идетъ святитель до царскихъ дверей. Таже полагаетъ іерей честный крестъ на святыи престолъ, и пріемъ отъ дѣякона кадило, и покадитъ честный крестъ, потомъ святителя и дѣякона. И дѣяконъ, пріемъ кадило, покадитъ іерея. Святитель же, сотворь поклоненіе честному кресту до земля предъ царскими дверми, и идетъ въ домъ свой, слава Бога. Ключари же честный крестъ сохраняють въ сосудохранилицу <sup>4</sup>, идѣже бѣ и первіе.

22. Святаго священномученика Фоки, епископа Синопійскаго, и святаго пророка Іоны, и преподобнаго Іоны пресвитера, отца Θεофана,

<sup>1</sup> Симіона.—<sup>2</sup> т. е. Доримедонта.—<sup>3</sup> на павечерни.—<sup>4</sup> въ сосудохранилицу.

творца канономъ. Вечерню и утреню и литоргію поють апостолу Кондрату и священномученику Фоки вмѣстѣ по уставу.

23. Зачатіе честнаго и славнаго пророка и предтечи крестителя (л. 54) Іоанна. Вечерню и утреню и литоргію поють по уставу. Въ сій день во дни часовъ 11, а въ ноци 13.

24. Святая первомученицы и равноапостольныя Оеклы прехвалныя. Трезвонъ въ два колокола. Вечерню и утреню и литоргію поють вмѣстѣ съ преподобною Евфросѣіею по уставу.

25. Преподобныя матери нашея Евфросѣіи Александрскія и преставленіе преподобнаго отца нашего игумена Сергія чудотворца, иже въ Маковцѣ, лавры живоначальныя Троицы. Благовѣсть къ вечерни въ началѣ 9-го часа дни; трезвонъ во вся. Въ соборѣ у Софїи вечерню и утреню и литоргію поють по уставу. Святитель празднуетъ (на полѣ: зри) въ храмѣ у чудотворца Сергія на Сѣнехъ. Вечерню поють среднюю, а вечерню и всенощное,<sup>1</sup> утреню и литоргію поють пѣвцы. На вечерни святитель облачается къ молебну, а на облаченіи сакъ (об. 54) всендневной. И по отпустѣ вечерни поють молебень, а на молебнѣ канонъ Успенію Богородицы да Сергію чудотворцу. И посылаетъ ключарь на Софїйской погребъ по канунъ звонца и къ прокурнику по кутью. А у праздника бываютъ со святителемъ ключарь чередной да пощъ да два діакона Софїйскіе да сѣнней пощъ черной. Благовѣсть ко всенощному за 5 часовъ дни, а звонятъ на Софїйской колоколни во вся по соборному пѣнію, а у праздника по праздничному пѣнію звонъ бываетъ и благовѣстятъ и звонятъ въ сѣнніе колокола. И на заутрени облачается святитель, а на облаченіи сакъ всендневной, къ каженію. И бываетъ каженіе по чину со свѣчами, и поють заутреню по уставу, а свѣчи ис казны отъ казначея. Благовѣсть къ обѣднѣ въ началѣ 3-го часа дни. Предъ обѣднею (л. 55) святитель облачается къ молебну, а сакъ той же, а на молебнѣ поють канонъ Успенію Богородицы да Сергію чудотворцу, а воды святитель на молебнѣ не святитъ. И по отпустѣ молебна благословитъ себе крестомъ и кропитъ святою водою и благословляетъ священницъ и всѣхъ прилучившихся и служитъ святитель литоргію. На дѣйствѣ подіаки поють стихи преподобническія, а обѣдню пѣвцы поють на оба лика строчную московскую, а подіаки поють все амбовное демественное. И того дни у святителя въ дому Софїйскомъ столъ всему Софїйскому собору, а за столемъ хлѣбъ Богородицынъ и чтеніе отъ житія и чудесъ преподобнаго Сергія.

<sup>1</sup> и.

26. Преставленіе святаго славнаго и всехвалнаго апостола и евангелиста Іоанна Богослова. Благовѣсть къ вечерни въ началѣ 9-го часа дни; трезвонъ во вся. Въ соборѣ вечерню и утреню и литоргію (об. 55) поють по уставу. Святитель празнуеть въ предѣлѣ у Іоанна Богослова. И посылаетъ ключарь звонца на Софѣйской погребъ по канувъ и къ проскурнику по кутью. Вечерня средняя, на вечерни святитель облачается къ молебну, а на облаченіи сакъ вседневной. На молебнѣ поють канонъ Іоанну Богослову. Благовѣсть ко всенощному за 5 часовъ дни, а всенощное и заутреню поють по уставу. На заутрени святитель облачается къ каженію, а на облаченіи сакъ вседневной, и бываетъ каженіе по чину со свѣчами. Благовѣсть къ обѣдни въ началѣ 3-го часа дни. И облачается святитель въ сакъ вседневной, и <sup>1</sup> предъ обѣднею поють молебенъ Іоанну Богослову да Евфимію архієпископу, и воды святитель <sup>2</sup> не святить, а приносятъ воду изъ собору. И по молебнѣ святитель служитъ литоргію. На дѣйствѣ поють подіаки стихи апостольскіе, а обѣдню поють пѣвцы на оба (л. 56) лика строчную московскую, а подіаки поють все демествепое абмонное. И того дни у святителя въ Софѣйскомъ дому столъ служащимъ и кого святитель пожалуетъ.

27. Святаго мученика Калистрата и дружины его и преподобнаго отца нашего Саватія, Соловецкаго чудотворца. Вечерню и утреню и литоргію поють по уставу, а Калистрату поють на павечерни <sup>3</sup>, а на вечерни святитель облачается къ молебну, а на облаченіи сакъ вседневной. На молебнѣ каноны поють Преображенію да чудотворцу Саватію.

28. Преподобнаго отца нашего Харитона Исповѣдника. Трезвонъ безъ болшихъ. Поють по уставу.

29. Преподобнаго отца нашего Кирьяка отходника. Вечерню и утреню и литоргію поють по уставу. Аще святитель изволить (на полѣ: зри) ѣхати въ монастырь святаго Георгія, служитъ литоргію соборомъ по создателехъ, а предъ литоргіею поють панахиду. Святитель (об. 56) облачается самъ. И того дни въ монастырѣ святаго Георгія у архимарита з братьею столъ святителю и всему собору. И послѣ стола хлѣбъ Богородичень и тропарь за упокой надъ кутьею и потомъ заздравные чаши о царскомъ здравіи и о патріарше.

30. Святаго священномученика Григорія Великія Арменія и преподобнаго отца нашего Григорія, иже на Целшмѣ рѣцѣ. Вечерню и утреню и литоргію поють по уставу. Ключарь розсылатъ звонцовъ по монастыремъ повѣщати властей къ понахидѣ къ вечеру октября <sup>4</sup> ко второму числу.

<sup>1</sup> а.—<sup>2</sup> на молебнѣ.—<sup>3</sup> на павечерницы.—<sup>4</sup> въ 2 день.